

古今游名山記

古今游名山記卷之七

括蒼何鏜振

廬陵吳炳用

西嶽華山 陝西諸山泉附

華山總考按華山五嶽之西嶽也周官豫州其鎮山曰華山華山記云山頂有池生千葉蓮花服之羽化因曰華山山海經曰一名太華太華之山削成而四方高五千仞其廣十里薛綜註西京賦云華山對河東首陽山黃河流於二山之間古語云此本一山當河河水過之而曲行河神巨靈以手擘開其上以足蹈離其下中分爲兩以通河流其指掌之形在華山上而腳跡在首陽山下今皆可睹郭緣生述征記及華山記云山下自華嶽廟列栢南行十一里又東廻三里至中祠又西南出五里至南祠南入谷口七里又至一祠又南一里至天井天井纔容人上可長六丈餘出井如望空視明如在室窺窓矣去東南二里至峻坂斗上又東上百丈崖皆湏攀緇挽葛而後行又西南出六里又至一寺

名胡越寺神又行二里便屆山頂上方七里靈泉二所一名滿池一名太上泉池北有石鼓嘗聞其鳴其上有三峰直上晴霽可觀

初學記

天有四序星辰辯其分地有五方山嶽鎮其

域陰陽交暢則品物繁榮精氣相射則神祇著矣西嶽太華山者當少

陰用事萬物生華故曰華山踞中土西偏當七官正位是稱西嶽披圖

以察削成而四方立表以筭其高五千仞石壁磔磔而雄竦衆山奔走

而傾附其氣肅其勢威其行配金其辰直酉前對華陽之國後壓華陰

之郡左抱桃林之塞右產藍田之玉諒少昊之下都即蓐收之別館也

軒帝遊焉以會衆神虞舜柴焉以覲群后爰自夏迄于隋載歷三千一

禱三祠無歲而缺所以報生殖事靈神不有怠也故亦祥休明災淫慝

未嘗爽也皇天眷祐聲我烈祖奄有萬方逮乎六葉郊天地望山川精

意必達隆興咸甄亦命州將四時告虔加視王秩進號金天若是何者

抑有由焉予小子之生也歲景戌月仲秋膺少昊之威德協太華之本

命故常稽靈嶽勝靈神交玉帛未陳幽贊必先意而啓椒醑雖薄景

福果應期而集玄感昭賽可一二而道邪十有一載孟冬之月步自京邑幸于洛師停鑾廟下清眺仙掌雲拂石牀霓裳可接風過松嶺仙駕如聞久勤報德之願未暇封崇之禮遲迴刻石梗槩銘山萬姓瞻予言可復也

明李公大華

太華山奠雍州爲西嶽削成四方其高五千仞石

壁雄竦群山奔附登躋之經險絕斗峻或逆坂如緣絙或垂崖如一髮昔韓昌黎嘗登山巔顧視其險戰悸慟哭得華陰令計護下之故今士大夫非雅好山水不憚艱險者亦鮮登也天順間余嘗巡按是邦道經山下仰望芙蓉明星玉女諸峯駢立天南層巒疊障如屏如幃彩翠雲濤競秀獻狀令人心目俱馳時王事靡盬未獲寄跡其間今待罪藩司旋奉璽書北召定成化辛卯正月二日屆行副使宋顯章馮仕定提學僉事伍天錫追送十六日抵華陰同謁太華祠三人復邀余登山必欲躋絕頂令縣官預修路徑明日三人各具酒餼以隨余肩輿出郭南行一里許騁目平原曲阜或凹或窪而深溪鉅澗水流觸石若轟雷吼村

落中無崇林茂樹惟茅舍數家稍南渡澗折西而南四里卽陳希夷庵
希夷舉唐進士不第遂辟穀此山恒閉戶臥累月不起庵前有睡洞遺
像在焉觀其辭召語云一片野心被白雲留住襟懷飄灑儵然神仙人
也顯章出所攜具飲於庵中余四人復肩輿折東而南二里至山麓皆
巨石平布不可踰綠溪小徑行三里至張起谷是希夷葬所棺半露岩
腹隱隱見之忽雲起風烈寒威薄人遂緣山溪折西行五里趨靈臺觀
問道士云初始前唐亦希夷寓所堙於兵燹洪武中重建臺殿門堂甚
整飾頃刻大雪紛集下湫尺許天錫命道士鼓琴交相酬酌頽然就醉
遂取唐王維華岳詩西岳出浮雲積翠在太清之句分韻各賦二詩歸
途冒雪入城已昏暮矣

明倫彙編 家範典 孝行典 二十四 寓長安新豐丘丈偶談登華山所得且縱
吏偕余再登七月詣丘丈適病遂命其外孫沈生相余騎驢行二十日
抵華陰宿焉黃大使具酒肴待因謂余曰聞游者及青柯平仰瞻多
自沮以故卒不敢往遣其僕慣登者二人導予翌日業行近山口泉聲

琅然稍入殿角出灌木中僕曰此玉泉院也至院外觀希夷先生塑像
熟睡如生立清樾中諸道士出迎亦言緣險難甚草木交戟不可以禮
服贈余一杖謂可扶到青柯平以上則難用矣於是以前短衣行滕往沈
生健善步蹠以行二僕前導傍山對開神意飛動于時宿雲在巔群峭
未出餘烟自旁山上褰朝陽射其端壁立之妙荏苒可得風觸壁鳴琴
琴調調而不知其所窮余善畫相契特深遂凝立四人遠呼而安知予
之所得不在急也地多橫棘繫不見路他徬復相錯稍不謹視則觸面
鬚髮踖且踣杖攀以進予素不善步驟登纍息必矣定始行時以紙筆
自隨遇勝則貌故行視四人愈遲四人常先若猶豫然沈生知予問
予策余憇亦憇予僮雖不解遇奇樹奇石卽報亦頗慧貌不能盡者俾
記之及澗而斧斤聲雜蟬鳴鳥哢泉亦淙淙然如琴如筑如珮環其停
匿處澄澈如鏡微運動搖日影上壁中多紅白礫余盥頰清寒透骨試
嘗焉甚甘美勝吾鄉陽山泉幾十倍澗北絕徑處實如柚者下垂僮越
險取食之蜚口棄去西轉至小石洞洞外平石如枰中可參坐坐其上

書所賦詩而東巖方洞適與之對意靈詭內潛遂相率以入僕曰此希夷匣爾蓋其葬處也棘梗道不得近因疑匣爲困恐指所感說者而俗謂之匣與及上方峯峯直立鐵鑊下垂望峰端漫不可辨但峯腰雜樹倒懸斜倚而幽意可人鑊兩畔多小坎從下達上深可二寸僅容履端蓋登則緣鑊以託足者僕曰上有道士王友巖居惟玉泉一二道士時裹糧往食之鑊盡處及石罅號西玄門此峯蓋唐玄宗妹金仙公主駕鶴升仙之地而門則玄宗覓金仙而鑿焉者也從門入盤折數峰頂始及友巖所居南望連山不知所止上無雜草惟細辛一方不多產余雖挫中而憚險弗敢進坐峯根婆羅樹下瞻悵者久之由峯根北折度狹徑外則壑谷類也敗葉覆地不生草行葉上不知穴隆蹠空輒仆偶一失脚幾墜厓下偶旅跡幽翳中古藤鬱屈正躡樹根進葉卒然鳴疑以爲蛇也注視三樵人適從上來余問青柯平遠近不對唯放歌倡答而去出樹外大石突立中豁若斧劈然僕曰此第一關也鄉人避亂時每入山壘石絕此予視關內尚亂石旁聚無數關右二里石虎踞因坐摹

之忽不知四人所在厲聲呼不應跡之半里所則皆坐澗邊投石子澗中以戲此處水深路絕常暮間賴澗石參錯不遠躡過回視其深潄衍漾砢衝之態而吾意適永不能以遽釋幾失吾主澗外瀑布正懸南崖端下激樹幹飛沫成雨點因風容與久而後墜又百餘步則第二關也視第一關壯雖不逮而險則過之關內陰風勁甚不可留促步出返顧所來則一青靄耳復登頓冥密以行詰屈數百折見平綠藹然林端旣至乃青柯平山恰半從入山來悉崎崿側塞夷者惟此草長過人岡之上有神祠礎餘瓦缺日正午少饑幸持瓜果餅餌分食之汲祠畔井止渴日漸熱足軟不可支卧祠前石階上適二道士自上下問焉蓋玉泉之侶自西峯還也與之語雖無奇亦善遺世者自山口至此其石之奔突倚伏出林翳樹者殊形詭觀殆不能以物擬祠西南則始攀鎖處也置杖草間聞松風颼然此以下皆雜木無松以上則純松矣蟬鳥遂絕詩人謂山深無鳥聲信然鎖曳危石上僕先進余亦攀過路縈紆並石根極隘瑟縮以行路斷接以木行則挫少進一峯前障不甚峻上天下

小所謂嶽也無草樹黑黃白相間上有赤白二圓形僕曰日月巖也復行餘二百步直崖斬立有短檣崖畔爲級如梯鑱旁垂問之乃百尺僅也級每腐或缺由級以上先輕蹶試之然後寘足過此有類是而愈長者千尺撞也缺腐亦然縱僕輩欲援何以爲力旣上凡石之如嶠如阜如巋如巴山者眩視不可數抵前崖徑忽斷崖峻削無可爲徑者卽崖腹綴小木如豹當絕谷之上凡三接始及徑鑱亦橫綴崖腹余目焉跡未及而先痿矣遣四人前度慮逼吾後以振也余赳赳握鑱寸進之閉聽壹視安歇半木伊軋鳴東野登閣尚稱脚踏墜魂吾今何稱哉因自咎以親枝履此險昌黎慟哭遺書以訣者卽此非與半時許乃得過問諸僕僕曰老君離垢也信仙凡之隔如是復斗折道松林中翳不見日毛髮聳然沈生謁禪山神祠悵蒼龍嶺之迅風也旣至老木亦立唯東南一枝僅存微有葉根亂布石上若萬小蛇攢綴蠕動余駭焉貌其大較因思平日畫樹雖搜奇獵怪致巧寧得似此所謂畫不神於所倣而神於所遇也然而望蜿蜒入雲勢未知何以處此嘗聞登者言度

嶺慎勿旁視視則惡風至危不可度嶺凡兩折中突旁殺如背也正黑
鏤當背上竝鏤皆小坎亦猶上方峯所託足者二僕先示所以登余匍
匍踵其後以大喘不自禁因四布伏嶺背竊窺其旁則深不見底但見
松頭泚泚出沒蒼烟中萬峰羅拱向背高底邪正起伏若翠浪洶湧相
後先秀不可狀颼颼爾有聲衆竊齊作杳盪奔激遠近胥應憶登者言
遂膽掉屢栗不能動去上折無幾視若天淵然風稍止尋進而僕已過
上折矣予勉強盡一折曰少晏愈熱予裸上體猶流汗不止行上折覺
稍便漸熟故也自嶺下仰觀將謂頂絕無復過此及嶺端則峰頭插雲
尚未知有幾里由是筋骨如脫喘促弗暇出一語倚樹息四人則相語
角健若賈勇於爭者時雲方渝然開合若相背往來四峯端悠颺不已
余神疑其間忘所以事事者僕輩弗是喻促以西峯尚遠勿稽遂作以
行至此則少上皆徑於石鏤從橫平無鏤者又越五六險始及鎮獄宮
宮在西峯頂東諸神列坐不辯何誰松罅間金碧參差與日爭炫者獄
帝廟也廟後松極森遂風一振之掩冉之形紆徐之韻山松端倏爾東

驚接之既泯忽又如及廟見道士王老師敎坐廟之前則其居也四壁蕭然余意其獨處於荒絕之區無所畏無所悔者非有得能爾邪徐叩所有則平平焉耳乃知其非實見道而得於寡欲也窓在西壁隙有光開窓而其居則度之懸崖之上俯瞰浚谷不見所極唯松頂麻萃斜距窓二丈許峯壁峻拔自浚谷直上霄外略無突陷真所謂削成者壁上一松寄之壘間根直下如懸死蛇枝梢正拂窓手可接松實纍纍余提以斷壁拂中墜下觸石且墜且觸聲如從甕中來良久始息至是則顏陽向微霞彩漸發倚窓望西北平田無際荒烟莽然中有渭水委蛇如龍目光射水中金閃爍不敢正視居之南乃大岡頗類龜背色墨而粗澹岡下群峯如指劍如束笏無一渾然者予將萃之而嵐靄迷漫弗果東望玉女峯殿正在峯頂雪壁燦日殿旁有物似人非人往還松樹間遠不可辨岡稍南大跡一岡上深可三十長四尺餘旁鑄巨靈足三字竊謂力能劈山其足跡僅如此得微不能載其形乎且東峯掌形自峯端達峯底假使所傳果然則如彼之大手而配以如此之小足有是

理邪東則東峯王女峯昆李相倚唯南峯截焉獻出姪視三峯萍暮不
及往遂宿焉風怒號御袂猶冷視蒼龍嶺裸體其寒暑之異乃爾哉

明道庵記

拂旦起王道士出華山記相示自峯厓洞谷池潭外

其宮觀古跡等不可記食已緘雲不痕旭日初吐露未晞具行滕草縷
以敵南岡外皆松林栽入筆簪盈耳屈盤行林中逶迤漸高境意交止
弗暇接將謂地升恍不記自西峯來也松皆合抱森若筍擢寒不生陵
茗唯蘿薜青青以與松末而樵斤不及余感其得所棲焉行二三里稍
疲坐松根養力而四人已在石梁外高唱曰南峯至矣起而前僕曰此
希夷避詔巖也余以目昏不敢流盼竟不知已達巖底因仰首怪狀可
愕巖上覆似蜂巢然頗類太湖石或類波濤蕩涌所爲淡黑津津焉余
生觀不厭自謂不世許達細貌之僅得彷彿西南角一罅明透可側身
入命僮掖入之及半見罅外樹梢動搖日影流罅罅間稍分上滴瀝如
雨陰氣挾罅風撲人中服皆潤下濕不敢進僅曰壁有鐫字四行不辯
何字余昨亦弗之識由是自巖底北旋曉兀中度小榰又度架枝代權

者三若波舟之所搖蕩古松一偃援卧壑上闕道勃率踰松上過得真武祠遂入謁龜蛇在前記晦翁謂本北方玄武宿非實有此神設爲形像以神之耳余謂乾魚朽木題以大王居士便能威福此何足怪從祠畔上磴扶石開轉峯角皆石版布道闕外臨絕谷試微瞰怵然神懔閉目低首倚壁始定峯南上下壁削亘東西皆闕也異焉伏石版下覘蓋鑿壁成竅以疊石置闕面之中竅石以入則所謂朝元洞也深可四丈廣近之高又倍焉純白如雪中設三清像余問主者嶽師師曰昔賀老師營此四十年雖鑿爲而不敢碎石下墜墜則雷動龍潛故也自爾且鑿且運功未就而師亡繼以其徒甫就洞外西數步師又穴石版鑿以下達西轉則師之避難處也沈生等躍然往觀予待二時許還曰穴之下則鑿雙垂鏤盡則版道也穴道相距不知幾十丈石杙插壁以當其中縱鏤下至石杙少息復縱至版道又少息然後攀鏤西行數十步漸高又數十步始及避難處回顧版道則載之銅杙之上而銅杙則插之峻壁之中外雖有闌木久多腐以鍊是賴掩其振搖石杙一銅杙十七

竟不知作時於何所置足闌之外下見松頂如濯斧在杳冥中師去此
幾時其室其爨所猶在然非憑土憑於塊石之突崖耳室畔石窪不深
水則滿豈師籍是以食飲者與室之西則別巖也巖類俛首形遙覆室
上上鑄全真巖三大字填之赤色然上下俱不可倚豈人履虛而作之
邪吾初躡版道知有版道而已奚暇他及既至而得其所以始不知止
於何地我輩壯年恃力不少怯今精奪於此矣去洞沿故路東行降八
九折緣磴復升巨石錯峙石分處如顛下視類井底點不見物然兩木
倚石可下僕曰安真人肉身所沈生率三人下觀及還談真人坐石龕
不壞具衣履如生人抑坐逝處邪跡石以望見峯嶺群松如沃峯背類
覆盂簾蔽如礪可縱步四人爭先若飛余至此已劫甚足不吾許殆及
嶺憇龍潭旁掬潭水頰面潭有三深淺不等深者不過二三尺僕言雖
大旱此弗枯志稱頂有池生千葉蓮覓之不見不知當時騎茅龍天飛
者其由此非與最高處一松才立余倚松望信乎諸峯羅列似兒孫矣
雲適生從王女峯東峯兩間出倚風作嫵態欬突然北涌似顛崖狀既

而復還漸慢于松巔不動如憇而山北所見皆漫漶不可識意彼或仰瞻吾固在雲表也青蓮居士謂呼吸氣想通帝坐非此而何尼父登泰山小天下彼果及此邪既下又東行五龍神祠祠之外小碑一辭翰具美有渙而爲氣氣運而爲精精變而爲神神化而爲靈等語因愛而再誦忽祠畔二小鳥下上峯壁不鳴青灰色頗類春鵲尾稍短不知其何名岳師曰此鳥相與久矣飯熟則乞食於我食已卽去或真粟掌中亦躍以就啄師年八十五矣兩目俱昧然往來祠洞兩間陟降如睹非有道者與不然安得人鳥相忘如此

明王履道與余同由祠北降而東取道松間忽有物行松上大如鼠尾芄芄然聞人聲雙視不復動僕輩拊掌激之越樹去行二里所至山祠入觀焉山水畫滿壁頗似范寬家法而渾不及化老君殿中居楊師迂余謁之師出果茗松花粉供余并以萬年松數十本爲贈蓋卷栢之屬而不屈者雖有松栢名不過石上小草耳卷栢亦以萬歲見稱於本草則知二物固皆稿而不死者矣大松蔽峯清悄幽閒殆不可爲情然遇

青柯平來多松惟白楊一二間之每風韻松林楊葉作策策聲如按如
節彼吹竹彈絲似金擊石者其近與偃仰是間意風味未減貞白殿之
東則東峯盡處也一望平田襟懷灑然遠近諸山相關於烟蕪雲樹之
表黃河漸近東迤如帶潼關岡壘積蘇於河濱遐覽未周雲倏陰漸黑
平野皆晦十疑雨東向立風颯然自西南來萬松皆鳴松實交墜日斜
透雲罅出雲影漸北逝遂散余與沈生磔松實啖之索苦若於師以助
其勝稍南一場突出松底下磴跡之得石室焉曠朗可容四五十人都
竈通所等舉不敵今惟一人居之禽聲不上青柯平雖因於高寒而亦
因於無養也聞是峯可翫日於天未明之際而糧少不敢居唯問師仙
掌何在師指在峯側而玉女峯可迫觀於是別去

石間代爲級皮脫滑不可登五人相與推援以進凡二十餘處則玉女
峯頂也嘗聞女冠楊氏名媛也少年入山食松皮八年始火食或棹腹
坐卽大雪七日不粒亦無恙竟日夜弗卧因訪之石室中尸坐如寐

手起相揖笑曰此中寧聞人聲君何來之異耶余告之故就問其入山
時則三十有七歲今已七十有二歲矣自云一生無病觀其顏雖非丹
而精神矍然步甚健固知其有養也引余步松間風適來激峯壁直下
如箭尋穿松林度壑而去相與立階端因指西峯東面宸隆如蓮花謂
余曰此正西嶽蓮花峯也安有峯頭玉井之產予至玉女殿道玉女所
由觀洗頭盆蓋石上一員坎爾水紺碧不乾集仙錄稱有五白不知何
據之殿右觀韓姑姑遺蛻遺像所障亂筆啓棺蓋窺之殆如初殯
者楊氏曰歿幾三十年矣雖槁不腐以杖撻其足亦不僵存道者乃如
是蓋楊氏所也入石如竈殿正坐龜上而楊氏石室則竊龜腹爲之覆
由殿前踰石梁北眺崇岡廓然然壑不能進岡半有大壑焉楊氏曰
唐玄宗禱雨拋簡處也下通黃河恐或然爾復旋至石室前指以迫觀
仙掌所在余與四人循東峯北行斯頂林斷豁然乃東峯之西北壁而
玉女峯之東北巖也巖西砦如鳥喙距東峯不遠上壘下縮嶽卽魄嶺
砦處小松一生附處似不見根出巖上者三之二中無鱗而光僕曰此

捨身樹也游者抱樹轉數匝則獲福予僮聞卽抱之轉不休峻遏乃止
巖正當仙掌可察遂坐憶王涯仙掌辨謂峯有五崖北壑破巖而列自
下遠望偶爲掌形俗傳則曰巨靈擘剖掌跡猶存余因思涯之所辨似
得於傳聞未嘗如吾之迫觀也殊不知膏油壘溜以漸淡黃微白間之
黑壁中上則五岐下則片屬岐者如指屬者如掌復有細溜無數雜五
岐間遠望之則惟見其大者故五岐如指耳寧有五崖北壑破巖而列
哉且膏所溜處比比皆有豈惟此掌爲然山石本黑其或淡黃微白者
皆膏溜之色也此掌外惟日月巖最多其次則東峯西壁近於楊氏之
石室者色狀與此掌溜痕不殊但彼不類物形故不以爲異而不稱耳
雖歷代碩儒詩賦同然一辭於巨靈之擘而不之難也將暮假宿楊氏
石室中再請所有惟荅以待盡而已余知其閉弗強也微有光如燈度
室前松林中僕輩驚指楊氏徐掩其戶白與爾何預豈記所謂照明者
與此亦可見楊氏之有定力矣與沈生步殿前以待月二更許光射萬
松中碎影滿地風颼颼然自三峯來清固不勝寂亦難處因退寢夜半

大聲疊陣如濤雷然欲釀雨懼糧絕竟不得翕目迨曉風幸息趣具飯下山至都土地祠僕還指南峯端如練者曰水簾洞也以昨之弗知小立祠畔以聽杳不得所聞午及青柯坪覓所置杖亾矣然降此登頓易步可與四人敵因思宮殿林木得全於上者險是賴耳然不知鐵鑊之所經始路何以識人何以登也余學畫餘三十年不過紙絹者展轉相承指爲某家數剽其一二以襲夫畫者之名安知紙絹之外其神化有如此者始悟筆墨之不足以盡其形丹碧之不足以盡其色然是游也亦非紙絹相承之故吾矣箕踞石上若久客還家而不能以遽出也三步回頭五步坐乃於我乎見之雖知毛女峯鄰於上方而不識其處僕言王刁三洞山外之西及玉泉院則已在西南隅矣弗果往嗚呼生太華之方由太華之側古今愛游者亦每以難險自畫雖少陵枕藉關中亦望焉而止耳天下奇絕處固有係乎緣之偶不偶也鄙訕謂山行洗盡五年塵土腸胃吾塵土五十年不意中得此行雖避一遺十而秀拔之神特之觀亦足以暢夫一生之拳跼矣昔人言會心處不必在

遠竊意未得至此恐未可謂之會心余子平之累已向畢而遐蹈未能
者以母氏之頹暮故也掇其大都以志奇遇

關山五嶽惟西嶽華山爲最高蓋其去地凡五千仞而禹
貢周官及爾雅之書皆嘗載之則又不特以其高也歲癸酉予奉使寧
夏秋九月回至陝藩華士郭從義從余遊至華陰同年張汝誠兵備潼
關造教授馬九萬復來陪出城南行八里至雲臺觀中舊有孟東野留
題宋建隆初希夷先生重建折而西一里至朝元洞洞本在華山南峯
上此其下院中之洞乃鑿土爲之不甚深廣人遂目以朝元非也院有
老君殿其前娑羅樹數百年物視其子類栗道士云灰之服以酒可愈
心痛東行里許至玉泉院洞有希夷先生睡像黃衣束縵儼乎如生道
士言聞之師像塑於先生存時元至正間宣撫王守誠嘗摹刻於石今
樹洞中院東巨石如削刻宋陳古靈詩有亭名曰山之殊勝小飲
數杯石東北古藤繞樹屈蟠如龍踰石復繞樹如故道士言緣險甚難
遂易冠服出玉泉命道士前導東南數十步入華山仲門二十步經總

土地祠右有流泉自山而下淙然可聽自此入山口旁山對開若與世
隔予神思飛越輿夫亦解予意疾行數十步入五龍神祠按道家書載
希夷初隱武當有五老人來聽講易謂希夷曰吾輩日月池中龍也此
非君所棲今其閉目凌空馳風及張目已在華山石上又謂希夷之睡
乃五龍蟄法蓋龍所授也以祠觀之其信然歟三里有大石突出厓際
上覆如屋又二里道多亂石遂扶櫬以登石罅貯泉纖鱗金色或黑如
墨群游其中戲困之忽潛不見予題名石上不百步聞鳥聲不類或以
爲猴也一里雙石竒峙道士云此第一關內有古殿上厓刻第一關三
大字下有小洞石滑不可登四里至方洞壁有喬尚書希大題名洞後
懸瀑隄而爲池分流下山右斗崖百尺名希夷窠其上類穴乃希夷蛇
骨所在舊有垂鎖道士言嘗攀以上見骨盛木函色微紅香甚後有人
竊趾骨以去道士憤之斷其鎖自是人不得上西折肆十步過第二關
大石中分若斧劈者三里至淩羅平自入山五里卽行石上崎嶇偃仄
登頓勞甚土曠而夷僅見此爾道士言青柯平亦然爾雅謂大野曰平

正以其夷而曠也。平之西有八仙洞，面洞厓石壁立，每尺許卽鑿爲小
穴，深不可上。令道士試之，其行如飛，猶猿猱然，亦危矣。從者有一二
人見道士上，亦隨而上，而不知其習之熟也。痛過之，吳天殿南挺然孤
高，數千尺者爲上方峯。山下及顛亦有石坎，獨以峻絕其鎖，兩垂予，豈
惟不能登，昂首視之，固已目眩而神驚矣。從是而上，草棘蒙道，鈎人衣
袂，隨披隨行，五里厓腹插木上布，以土行，僅容足，越之始知九萬回。顧
大聲曰：「此非連雲棧邪？」則皆大驚。二里泉出，竇間飲之，其冽名凉水。泉
衆，倦甚，少休。泉上青柯平，道士持茗來獻。一里道士指西崖，云：「上有北
斗，平紫微洞，惜不能至。」又五里及青柯平，入通仙觀，觀在日月巖下，離
地數丈，有洞前爲焚修之殿，攀鎖乃上崖左，銳而高者西峯也。相傳自
平登其巔，七里右爲寒陽洞，當其前者爲混元殿，予以所攜酒與九萬
從義面峯共飲。夜深行，月不至，遂宿觀中。晨起，東上四十步，有石若怒
獸張，胸中像土神，名土地巖。又上六十步，石側讀元人重修通仙觀記。
其下卧石，寒道曰：「回心石。」中隆旁殺，俯瞰斷厓千尺，予欲度石九萬，輩

曰蒼龍嶺又上行一里許路又忽絕由深洞以入三十步許轉而上其
名曰鷄子翻身歷過諸險復得易行上觀五松其形怪詭不可狀又上
至東峯絕頂洗頭盆在焉又折而西三里許是爲王井余挹而飲之甘
冽異常再上登西峯絕頂上有鎮嶽宮傍有石洞遂題詩壁上西峯之
頂缺空犬許有大石蓋覆于上此乃造化奇跡予入缺處命僕夫拽予
後出缺口而下望晦晦幽幽淵然無際不覺神變股慄東南二峯若仙
人掌賀老巖黑龍潭皆覽而盡西眺秦川北俯黃河如線如帶南則秦
嶺以南東指潼關之外諸山不啻培塿丘阜六合曉下感乾聚坤大哉
眺也至此輒敢謂代有人登而已非天收風歛雷又決不可上乃知其
遊若山靈默相之者初讀山海經謂太華之山削成而四方其高五千
仞至謂鳥獸莫居未之信也今則果然又謂有蛇焉名曰肥蠅六足四
翼今聞山之奧處路有鉅蛇蓋卽所謂肥蠅者方益信此書之不誣遂
題名于觀之石壁由舊路而下頗覺稍易還第一關天已曠至王泉院
宿焉

唐王涯大華山記西嶽大華華之首峯有五崖北壑破崖而列自下

遠而望之偶爲掌形舊俗土記之傳者皆曰昔河自積石出而西流旣越龍門遂弭南馳者千數百里折波左旋將走東溟連山塞之壅不得去有巨靈於此力擘而剖其中踞而北者爲首陽絕而南者爲大華河自此洩茫洋下馳故其掌跡猶存巨靈之跡也余聞惑之乃往觀曰誕哉此說乎夫所謂神者非人也其動無聲其行無跡若形而無象若氣而無色拔山剖澤而不見其作鼓風奔水而不見其力視不可察名不能及故推而謂之杳杳有聲形可聞見非神之所爲則皆人力之能及也烏有神之作力而有人跡乎且夫高天厚地聳山流川者神之所爲也所言開山導河亦神也神之所以神者有作而無悖一成而不易烏有始塞而復達之始連而復絕之始不知終是不爲神矣且此靈之運爲何古乎在太初開闢之始乎爲陶唐洪水懷山襄陵之際乎以爲開闢之始也宜當胚渾之先天地未位萬象茫昧尚無定歸當止一河之壅抑而一靈與其道借有其事自爲而著悠悠乎年代之眇沒其誰也

以雪花飄墮頗有難色而從者亦皆予止予笑曰吾回心矣各以杖扶之而下數里兩間作衣履濡潤而汗流浹背問之青柯平則猶雪也因嘆地之高下而寒煥乃爾昔之人謂鳥聲不上青柯平非其無食亦以高寒而然也或有謂予好奇而不能攀鎖以盡三峯之勝予曰昔昌黎公嘗凌絕巔度不能下至於發狂慄哭人以爲好奇之過抱遊癖而勝之具素乏故每於登陟逢險輒止矧以先人遺體而履此不測我豈敢哉雖然兩日之遊足償夙心則予之所得抑亦多矣

仲夏在華陰縣將登西嶽竊意茲山日有登者遂與御史杜君參政胡君提學王君偕往先至雲臺觀又興行五里至玉泉院入南澗口泥徑不通荆棘偃仰五里至第一關步行自此始三君者皆色阻不往予獨青鞋布襪與校官一人僕夫數人以登以三君畏不前又乃竊意月有登者而已上行七里至希夷峽骨嵌嵌傍有道院下有泉匯爲小池池之西有懸崖高丈五許遂揭水題名其上自是凡遇奇石輒題名又上行二十里踰霞蹤雲崎嶇較趾而至于青柯坪俯視

下已冥冥如烟雨之區仰望三峯鬼鬼屹屹高聳天際不知如何而
上坪側有道院北有小洞洞中一辟穀者居之歸宿于觀至明攬衣直
上至回心石石東南之路皆斜削絕壁攀鐵鏤自此遊人至此皆疲而
畏險輒還故曰回心于此始謂歲有人登而已遂今從者二人先攀
校官繼之余遂繼之攀之狀左右手遙接兩傍鐵鏤足通路松杙目耽
耽心慄慄以上凡攀行八十步其名曰千尺峽東北轉行一里許凡攀
行百步其名曰百尺峽又東北行幾二里許則面崖而兩手並執崖上
鐵鏤足踏木棧以漸東移橫行百步其名曰仙人橋又東北行一里許
凡攀行六十步其名曰胡孫愁又東北行二里許凡攀行十步其名曰
關王匾又攀行三十步其名曰關王峽又行幾二里許攀行七八十步
其名曰老君犁溝又行四里許至雲臺峯折而南行三里許至日月巖
其崖有紅白二景天成石上此有黃冠五六人依崖構屋居焉轉西南
行二里許是爲山脊兩下皆萬仞絕壁脊廣三尺許列鐵柱閑鐵鏤于
左右過則伸足于前坐于脊上兩手秉鏤以身漸移而前百步許其名

克傳以爲陶唐洪水之際平則禹奠百川宜在禹貢乃曰導河積石至
于龍門南至于華陰東至于底柱皆禹功之所致以達于海豈天地大
異之若此典記不以爲文哉天設四瀆宜有以通不常始造其流滯撓
其和氣及其汨亂而後理也且山谷之作此形何則不有噪吼相薄高
深相敵乃有銳而出者爲虎牙偶而背者爲熊耳角而獻者爲牛首冠
而峭者爲雞頭必以形之類形而必加說則雞牛熊虎之象其亦有作
乎余嘗覽張平子賦西京至巨靈高掌厥跡猶存之辭以爲駭聞精達
常以是惑使不語怪神之旨何所述明豈覩其形而咨之果謬悠而無
據也將假文神事以飾其辭歟爲思而有闕歟因辯其由而述之以告
山下

驪山在西安之臨潼縣南半里卽抵其麓經雷神殿
東折門有緯楔榜曰溫泉池過北有室三楹啓其扇卽溫泉也人呼爲
官池蓋非貴人不得浴此池四周甃石如玉環狀中一小石上鑿七竅
泉由是出相傳堯石起秦始皇其後漢武帝復加修飾或云今之池後

周天和中造又云唐玄宗廣之室之內有古今石刻歲久錯亂弘治癸亥知縣事者聚之壘於門外儼若屏障官池之左有泉曰混池以浴小民東行卽華清宮故址上有三清殿前卧一巨鍾視其款乃華清物又有二碑右爲後魏溫泉頗惜多剝落左刻金尚元龍草字其陰刻劉子顯成道記子顯山中道士宋仁宗朝嘗召見賜號疑真太師三清殿後爲玉皇殿面三清者七星殿也南上十五步爲王女閣下有方池卽溫泉發源處飲之可以已疾每秋暮人取未熟柿投其中經宿食之不澁其左爲玉女洗頭池沐髮者多去瘡蝨山之半平坡朝元閣舊建於此山左肩曰東繡嶺右肩曰西繡嶺當時林木花卉之盛類錦繡然故名閣與華清之廢皆不知何時其易爲道士之居則後晉天福中也又上二里爲老君殿舊云天寶七年十月老君見於朝元閣南玄宗於其處立降聖觀琢白玉石爲像今尚存殿壁繪唐從臣之像殆當時人筆其西南有泉名飲鹿槽今涸又上二里爲老母殿老母卽唐李筌所從受陰符者山之巔舊有烽火樓昔周幽王欲媚褒姒舉烽火以來諸侯之

處下山浴於官池其清徹底不火而熱支體融暢夙疾頓捐快哉東行八里折而南二里至秦始皇陵陵內城周五里舊有門四外城周十二里其址俱存自南登之二丘並峙人曰此南門也右門石樞猶露土中陵高可四丈昔項羽黃巢皆嘗發之老人云始皇葬山之中此特其虛冢其言當必有所授也

明倫彙編

事考彙編 仲夏十有三日早渡咸陽南渭河觀隋唐舊都及未

央官址尚有截然方丘突然高原若斷若續彌三十里午過長安北郊望鴈塔聳于二十里外東渡澧水過灞橋乃漢人送客至此折柳贈別之處王莽時災數千人沃之不滅更其名曰長存至唐則以迎新送故至此黯然而名曰銷魂余望秦川于斜陽之下悵然懷古於臨潼東南行二里抵驪山下浴于溫泉泉幅員四丈許卽秦初砌石漢修唐宮焉者也宮曰溫泉玄宗改曰華清治場爲池環以山列以室歲幸于此門內有宜春亭亭內有飛霜九龍長生明珠諸殿殿側有集靈按歌舞馬諸臺今則蕩爲丘墟矣明日叅政胡君良楨宴余溫泉之上於是與王

君應韶二君誦崔魯之詩論開元之事慷慨激烈殊有遐思酒酣應韶倡爲溫泉之歌余和之遂登驪山躡繡嶺堆低徊于朝元遺址前草樹蒼葱揚芳弄色幽泉集響如咽如悲於是余又倡爲驪山之歌二君和之午後下山過鴻門坂渡渭南至赤水鎮宿焉

終南山記 五經要義云終南山長安南山也一名太一潘岳關中記云其山一名中南言在天之中居都之南故曰中南福地記云其山東接驪山太華西連太白至干隴山北去長安城八十里南入楚塞連屬東西諸山周廻數百里名曰福地辛氏三秦記云其山從長安向西可二百里中有石室靈芝常有一道士不食五穀自言太一之精齋潔乃得見之而所居地名曰地肺可避洪水相傳云上有水神人乘船行追之不及猶見有故漆船者秦時四皓亦隱此山

初學記

終南山記 癸酉八月予以使事寓秦會舊僚田君有年約以中秋詠終南山中出城南門而秀才費樟復陪以行三十里經樊川漢將樊噲嘗食邑於此在唐爲韋安石別業又名韋曲岡巒廻繞松竹

森映而水田蔬圃連絡乎其間秦中一勝地也山子真詩云草樹花無
盡田白製新藥石角鉤衣破藤樹神眼新何時占荒竹頭藏小鳥中
又云野寺垂楊裏春畦綠水間美花多映竹好鳥不歸山城郭何處
威靈廟駐蹕處能共國之上登牛頭寺僧愚聞官人至悉邀去予以所
公子薄暮登野攜酒共酌松下寺舊有唐貞元中徐士龍撰徧照禪師碑今不存所存
唯仙人丘長春詩刻拂塵讀之韋曲之東有杜曲乃唐相杜岐公所居
當時語云城南韋杜去天尺五言通京也岐公孫牧自吳興守入知制
誥盡以俸金創治其野嘗曰富貴有數吾得老為樊川翁有文章數百
號樊川集顧草木禽魚亦無恨矣離牛頭南行四十里至終南山入普
光寺在山之麓息足磐石又二里道益峻險遂舍有輿躡亂石冒懸崖
屈曲而上西有日月巖下刻篆書松泉二大字又上至抱子巖經玉泉
洞又有八仙洞在山之西壁限以流泉非跣足不得入又上有石儼若
老嫗憑巖而休左一圓石明可鑒物謂之石鏡再上則激源池也池一
名太一湫其上環以群山雄偉秀特勢逼霄漢水廣可數丈深丈許錦
鱗浮游人莫敢觸鱗之大有二三尺者自昔禱雨咸在於是其南即太

一殿惟一道士居之

王維詩云太一過天都連山接海隅白雲同望合

宿隔水

殿左有三官雷神二洞所謂金華洞者在山之最高處道士云

洞有積水然不能至也田君與費生以疲極卧三官洞予面池獨酌下

山復至太一宮方舉杯適長安令送酒飲興益豪題名壁上晚回至普

光予欲翫月上寺過門不入命輿夫疾行上山道悉覓以石而松栢梨

栗夾植其旁遇險則趨別道已而復故蓋五里而始至寺

房遠山巖巖在水常響雨隔山更無衣出白石上坐流清

潤遠地曉松惟短坂險道逾偏曉意送歸客數聲落曜天寺有方池名

曰仰天跨以石梁於茲青翫月爲宜張筵池上而浮雲滓空衆頗弗擇

予戲謂之曰昔人詩不有絃管吹開之句乎命小闍黎取筆蕭雜奏之

倏焉雲開月朗則皆大笑謂予言之不妄也十七日下山從別道回二

十里至興教寺內有三塔其中塔特高大爲唐三藏法師玄奘瘞身之

所尚書屯田郎中劉軻銘左爲慈恩基公塔太子左庶子李弘度銘右

則大周圓測法師塔銘之者貢士宋復也寺之北舊有玉峯軒宋元豐

四年知永興軍呂大防建今廢惟長安令陳正舉記石僅存午飲寺中

六十里入城

游終南正月壬子余始發車往盤屋會二子過鄠縣會漢陂王子甲寅遊祖菴宮訪仙人王重陽故事已而遊居民趙氏園亭辛酉始發車往終南過姚村宴康子彭麓山房日午抵仙游寺觀吳道子畫塔塔上有宋蘇軾趙瞻題名已而上黑龍潭潭水相傳深百丈有龍藏焉其先大優何子謂余曰余嘗與對山康子游黑龍潭余畏不敢踰惟康子能踰之余見康子問焉康子振衣扼腕若不足踰及至則重足捫息惴惴不敢臨王子今架木爲橋始牽引而過之北巖下觀王女洞入馬融石室尋岑嘉州遺跡已乃還至潭上相與坐潭心危石巔把酒散髮擊筑長歌明日由黑水谷南行五里至草房凹坐平石上小酌余獨留許西一日與康子遍游泝東諸園葛巾野服坐茂林下日夕余至盤屋復會王子而明日康子亦至欲遍遊終南諸山是日余欲往樓觀康子欲還向仙遊遲回久之各有詩相招更不能違康子壬申由馬召登山再過黑

水谷入仙遊日午自仙遊始趨樓觀日夕抵樓觀其抵之明日覽樓觀諸名勝觀唐元人畫塑像登紫樓望太微峯下乃遊王真公主觀觀唐人摩詰等詩明日上說經臺覽道德經石刻玩老子手植栢碑上見朱凌溪詩何子題名相顧歔歔已而登藏經閣讀黃帝素問慨然有超世絕塵之想明日再上說經臺題名題已還至樓觀日夕與二子論神仙鬼神之事至夜分而罷明日康子還武功余與王子東行至景谷而別往反二十日各得詩三十首

龍湫 西北多山山之中有石龍湫者境號勝絕歲癸酉秋八月四日予以使事道邠知州事古恒齊侯聞予之嗜山水也請爲龍湫之遊翌日與鄉進士兩劉君出州西門不百武入顯應禪院院舊名普照中有碑乃金正隆間僧所撰院記侯舉酒酌客畢跨馬去予與兩劉君尾之行四里渡涇河深可二尺昔漢武帝祀甘泉至涇橋有女子浴於水乳長七尺侍中兒寬曰天星主祭祀齋戒不潔則女人星見卽此水也又五里由小谷入山盤旋以上石壁千尺殊形詭狀而懸

溜點滴霑人衣袂綠崖行下視澗壑目駭心悸側身而進前後援之以
人數百武至五龍神祠祠創於唐大曆中久廢唯存元延祐三年禱雨
有感碑近齊侯亦以應禱重建祠焉所謂石龍渦者在山之巔路斗峻
人鮮能至間有至者言渦乃一大坎中刻石爲龍形然不知埋自何時
延祐碑謂禱雨以器取渦水迎置城隍祠中雷卽殷殷起座隅久之大
雨霽霽齊侯之禱唯焚香贍禮忽坎中出雲瀰漫山谷而雨隨至可謂
靈矣共飲祠下時日已墜西山岡石遶陰風襲人衆衣薄殆不能勝命
從者張蓋衛之予意祠之創自唐逮今斷碑殘刻或有隱瓦礫者除之
果得石刻乃金崇慶二年靜難軍節度判官汴梁張瑋詩二絕邠在唐
爲靜難軍金之官襲唐制也詩前有小序其一題昭慶院云招提高據
半山隈蒼柏青松頂上栽日暮荒村無宿處王僧邀我寺中來其一題
石龍渦云深谷閨樂渾似冢飛泉滴瀝不干雲此間正是神龍宅莫惜
甘膏爲我分詞語清拔皆州志所不載予四人者皆大喜以爲斯遊之
不徒齊侯名寧兩劉君一曰激一曰儒道

明倫彙編 地理典 終南山在西安府南五十里東自藍田縣界西入咸寧縣界石磬谷以谷水出與長安咸寧二縣分界東西四十里禹貢終南惇物至於鳥鼠詩曰終南何有有條有梅毛註周之名山終南也春秋左氏傳曰荆山終南九州之險也杜註曰終南在始平武功縣南漢書曰太乙山又爲終南山五經要義曰太乙一名終南山在扶風武功縣關中記曰終南一名中南言在天中居都之南也又曰終南太乙左右三十里內名福地三秦記曰太乙在驪山西去長安二百里一名地肺山東方朔傳曰終南山天下之大阻也其山多玉石金銀銅鐵豫樟檀栢異類之物太白山按三秦記曰太白山在武功縣南去長安二百里不知高幾許俗云武功太白去天三百周地圖記太白山甚高上常積雪無草木半山有積雪如瀑布則澍雨人常以爲候語曰南山瀑布非朝卽暮水經注曰太白山南連武功諸山最爲秀傑冬夏積雪望之皓然古茂蘇則值亂隱於扶風南太白山中按太白武功二山在郿縣蓋舊武功縣地也今武功縣本無此山華山太華之山今在華陰

縣西南山海經云華山之首曰錢來山其形削成而四方其高五千仞
廣十里命曰西嶽又西八十里曰小華山又西八十里曰符禺山又西
六十里曰石脆山又西七十里曰英山又西五十二里曰竹山又西二
百里曰浮山又西百五十里曰時山又西百七十里曰南山又西百八
十里曰大時山又西三百二十里曰蟠冢山又西三百五十里曰天帝
山西南三百八十里曰臯塗山又西百八十里曰黃山又西二百里曰
翠山又西二百五十里曰騶山自錢來至於騶山二千九百五十七里
按華山三峯中一峯東西二峯間峙盤旋峻極不可窮覽何景明曰太
華終南太白實一山延亘不絕太華在華陰終南在長安太白在郿各
望其地異號命爾其山首枕嵩芒尾貫羗蜀表裏秦關蓋邦域大紀云
雍大記

予幼讀杜子美王華宮詩愛其諷刺深切元祐
辛未得麾中部所謂王華宮者在州之西南窮山之中既覽州經山圖
疑未能盡狀其形勢一日王微之行縣鎮說王華遺事特往觀焉微之

亦善丹青者因別續草木而又得張岷所遊述宮記考其舊圖曾不髮
髣微之凡三往盡得其形容別作絹本今置於州之通濟亭好事者視
其圖不遊山而知玉華之爲邑境也予既解組東歸夜宿玉華微之又
來送別得以窮視其間騎關之谷駐鑾幄視野火坑觀其飛流噴布巖
谷深險夏有寒泉地無大暑真野人所蟠之地也詩所謂遺構石馬今
不復有但十八松存焉昔唐文皇平定宇宙偏師一出則擒王滅國如
翻手焉貞觀之治幾于三代所不足者萬歲壽爾一日伐高昌得婆羅
門合不死藥服之無驗而有內熱之疾以至厭九重之居常避暑于空
山作爲離宮屈指無百年而遺跡殆盡高宗之世賜玄裝翻譯而后爲
浮屠居矣使後世英魂不得傳真于玉華之中可哀也已子美詩且曰
不知何王殿遺構絕壁下其傷之意深乎哉

玉華宮記
玉華宮在縣西南四十里有夾道而來者玉華也其南
曰野火谷望之如燄然而莫知其所以也野火之山曰鳳凰谷則唐置
宮之故地也蓋其初有九殿五門而可記其名與處者六其正殿爲玉

華其上爲排雲又其上爲慶雲其正門爲南風南風之東爲太子之居
其殿曰耀和門曰嘉禮知其名失其處者一曰金殿門也過而覽之惟
野田荒草而已其西曰珊瑚谷蓋嘗有別殿在焉珊瑚之北蘭芝谷昔
唐太宗詔沙門玄奘者譯經于此其始曰肅成殿後廢而爲寺云中有
石巖巖然天成下有鑿室可容數十人有泉懸勢若飛雨有松十八環
其側皆生石上高可十尋端如植筆其西南有崖曰駐鑿其始入也變
壁屹然如削石而成既至其處若視甕間有泉飛而下如懸雨噴珠其
名曰水簾稍北有崖與泉亦若是而差小治平三年夏余與六人者來
游乃相與坐石蔭松聽泉而飲之已而覓故宮以表裏問遺事於田老
方置然不欲歸而余與六人者各以事牽不可久留咸相視有不懌之
色余爲之言曰夫山林泉石奇偉之觀常在乎窮僻之處而野僧方士
與夫幽潛者得據而有也然幽潛者知好之而力不足以營之惟佛老
之說可以動人其徒常獨而力而危乎廣廈莫不爲其所擅也夫以有
唐之盛窮天下之富建宮于此隨而廢沒彼玄奘者特一浮屠耳卒能

傳其徒至今而尚存豈入之情常樂于放肆而易忘于中正哉若夫太宗之賢天下之力猶不能以長有此也則吾六人者得一寓目於此亦足矣又何用以不能久留爲悵乎

明倫彙編 家範典 卷一百一十五 五月至涇陽王君應韶來會遂同由縣北往九變

山謁唐太宗昭陵緣坡行二十里至焉其山周圍十里有廟額聳內有石刻青騅什伐赤特勒驪颯露紫拳毛騶白蹄烏六駿圖尚存卽太宗平竇建德王世充宋金剛劉黑闥薛仁果及東都時所乘者是夜與應韶對酌而歌遂宿于齋所明日登山之絕頂浩然四顧終南太華遙拱于南鳳翔諸山聯帶于西其陽則秦川萬派流雲漾日邈邈歷歷一覽可旣題名畢下山北觀昭陵從葬之墓其逼山者卽所謂諸王七墓公王十一墓妃嬪八墓皆無碑稍次卽宰相房玄齡以下十三墓丞郎唐儉以下五十三墓功臣大將何史那忠以下六十四墓今皆依居兔旋紫巖崎嶇或崇或頽或稍而微或圯而夷或泉或漬其在當時雖有椒房天潢之貴鎬鼎絕世之勲邁類超倫之智今皆托體山阿身埃骨

朽不亦悲夫遂與應韶愴悵者久之弔之以詩而去

明正德庚辰春三月癸巳大復何子校士鄆杜約予

遊南山丙申南行二十里抵金峯寺寺背山山下出泉甃爲井乃伏流
佛座下至院亦甃爲井復伏流至門外達于平地爲溪院僧利灌漑則
閉井北口上水由泉西緣岡南抵山半樹木離列乃坐飲數觥下出寺
東行半里許抵化羊宮東澗水出焉道士引別支經流庖舍後接竹入
水于釜由宮後南行渡小澗陟岡其上平坦可數畝多檜東臨澗水坐
飲移時甚樂也出宮門北望則嵯峨九巘諸山隱隱若黛並山東行三
里許抵重雲寺南向坐憩圭峯在前如人拱揖又東行七里抵棲禪寺
卽所謂草堂者也蓋姚秦時鳩摩羅什自西竺來爾時未有寺爲樹草
堂譯經其中其後建寺始定今名而俗猶呼草堂寺云前殿畫壁甚古
西南爲鳩摩羅什塋塔有亭覆焉前朝詩刻甚多獨金趙閑閑公詞翰
爲盛明道先生詩註云寺在竹林之心其竹蓋將十頃乃今根株盡矣
獨寺後銀杏四株上薄霄漢亦百年外物也門外諸峯蒼翠如畫東南

林薄中有唐圭峯禪師茔塔其西南入谷數里爲紫閣峯有瀑布景特
奇絕又五日縣令王子明叔邀予西遊樓觀比至則諸公已先在乃相
攜至老君殿臺上席地對月坐飲于是德源鼓鳳琶歌予所製越調曲
感激憤懣諸公擊節嘆焉已又據席飲各倡和詩爲樂明日明叔陪予
登紫雲樓樓兩層其上爲玉皇像北面其後灰壁南面爲山水人物畫
蓋甚奇非今人筆也憑闌一目千里旣下與諸公觀老子繫牛栢栢下
石牛卧焉已乃南行四五里抵說經臺盤屈而上絕頂爲宮三楹中塑
老子尹喜像其四壁畫前朝君臣逸士像盖有功德經者前門內古
栢一株俗說旣死而聯鍼之活誕不足信仲默于宮前碑側書予六人
者姓名邑里經遊歲月云已乃坐後殿廊下飲明叔又請西遊仙遊寺
于是下臺轉折西行旣數里見山麓一塔歸然問之宿一行僧塔也又
數里過康子彭麓莊又西行數里轉折而南道路其險更崖山西岸黑
木下視毛髮森豎行里餘天氣昏黑與諸公相失路愈益險肩輿不可
度予夾兩僮走旣數里轉折西行度澗橋危甚又里餘抵寺寺榜曰普

緣蓋此地故有仙遊宮俗亦因呼其寺云寺四面皆山黑水經流其門
蓋與區也登巋廬閣已乃觀殿前石塔塔下空中塑一慈佛側睡且死
諸羅漢按摩哭泣籲禱備極情態康子戲曰佛亦有此無常邪相與一
笑已乃出門門西瀕水二石塔上刻吳道子畫諸像有東坡題名北
岸山上泉下瀉有聲其傍石洞後漢馬融客居此山嘗呼勝地不
常良時易失嘉朋難合樂事罕逢斯遊也一舉四美備於予其盛矣乎
華池古樂蟠縣也故城川華池東天子溝夫人
洞並故城川蒙恬塹山堙谷處也今馳道存焉稍東則陽周城也牡丹
園華池城東北太和觀牡丹園西後將軍吳華池城北邊路將軍名吉
宋范仲淹卒也以節死贈將軍詳見縣志陽湖華池西岸也不窳陵
慶陽東山傳介子慕西山范仲淹字今爲府庫范純仁遺榱今爲府儀
門過木鵠池慶陽城繫通河處臨川閣鵠池上宋將之奇建今廢咸武
樓慶陽北城樓也宋建公劉廓在慶陽其國壁畫周三十七王云李子
曰余知華池在弘治乙卯年焉居蓋三年云從予游者尉氏左國瓊慶

陽高尚志暨其弟尚德華池王祐

仇池山在鞏昌府成縣西一百里寰宇記在成
州上鞏縣其山高峯萬仞自利州來其東西二門盤道可七里元和志
載宋書氏胡傳云仇池方百頃四面斗絕高平地方二十餘里羊腸盤
道三十六回山上有豐水泉煮土成塩范曄後漢書河池方百里左右
皆曰白馬氏麥積山在鞏昌府秦州東南八十里去舊天水縣東百里
狀如麥積爲秦地林泉之冠上有姚秦所建瑞應寺山之北曰鵬巢谷
有隄焉避暑宮對面瀑布瀉出蒼崖間又有魏乞弗後墓鎖林峽在臨
洮府城南六十里曰史家灣洮水所經會澤之右卽南山麓路引一線
穿麓入峽峽之阻諸峯聳峭兩崖懸絕故山通峽隘林木鬱森四封固
蔽而無所通故曰鎖林其概源自蕃疊成界與岷江分派江東行者北
經岷州穿鐵城旋入萬山間凌波盤渦倒山堙谷而來遂受吞此峽適
一登臨則衝波騰浪激盪險壯突出峽口滔滔巨野逼府城而去龍門
山在舊大安軍城五里去今沔縣南六十里官道之傍縣壁環合上透

碧虛中敞大洞下漱清泉宛然天造水簾懸夏米柱凝冬宋文潞公宋
景文趙清獻公王素韓絳呂兗呂公弼呂大防皆有留題行三里又有
後洞蘇元老龍洞記自利至興行五百里幾半蜀道而巖洞之可喜者
莫如龍洞重簷厦屋深不可測

唐長安富平縣北定陵後通關鄉入谷二十餘
里有二洞一名東女學一名西女學其東女學崖壁懸絕洞門在崖面
躋攀不及夜往往聞讀書之聲其西女學約山有路可到洞門近門一
石室可容一二十人其洞門時有人秉燭可入行一二十里兩面有五
門皆各有題記或通蓬萊及諸仙境近年有石摧下遮閉洞門不通人
入又山頂有一天井直下深二丈許有自然橫石旁出石下天井亦可
二丈餘可通人過其底旁有崖龕梯磴而上屈曲甚廣龕內有道經數
萬卷皆置於栢木板牀之上有一石人俛首凭按而坐形如生人天井
之底有道門所投之簡委積朽爛不知其數其大順年中富平奉道人
姓徐第七曾於洞內取養生經出外傳寫卻送山洞中又向北行二十

餘里有三泉山谷中有石山嵌可容三三百人當谷內有三石盆其盆各廣丈餘制度光滑殆非人工三盆涌出泉水常滿餘水流出山外古老云時有仙人浴此盆大都此山有人觸犯卽立致雷電損傷苗稼由是鄉里多隱蔽蹤跡難於尋訪山上有仙人闕聖蹤跡極多東女學山前有神鵬一巢常護洞門人或侵犯者神鵬擊之立致殞斃古有道流刻五石人置於山上民有鋤禾者爲鵬所驚走避於石人之下置笠於石人頭上鵬卽擊之石人頭殞于今見在其山下通關鄉多姓公孫賈家山上石保利多姓閻氏麻氏

魚龍洞岐府西隴州路七十餘里有魚龍洞中有石或大或小隨水流出破而看之石中皆有魚龍形人過洞前並不收語語者便聞風雷之聲立致驚懼奔走但諸人不聞耳

牛山夫尋幽覽勝非以散情將以裨政也履關險聽謠俗不有助於吾任乎金州境內多名山與同寅白菴鄭君期一游而未果乃歲丁亥秋九日與白庵出萬春堤三里所至牛山山之下有

忠惠王祠唐刺史崔偉能慈惠澤民中和三年黃巢作亂太白山人者
踰門獻詩曰公母恐一發牛山則巢滅掘之得一石桶黃腰獸栖之而
置劍其上獸見劍自殺巢果敗公由是得道宋嘉泰中封忠惠王元紅
巾起樹陰旗珍賊相傳所掘山在五十里外此其行祠然山亦截崖可
觀二里所至漢江泛舟江源出嶓冢山嘗至石泉紫陽諸縣皆兩崖對
壁立水流其間數百里至鄖西始見平原舟中對酌聞高鳥羣雜出叢
薄樵歌與漁唱互答頗發吟興江中有安康石巖沙磧見則歲飢余竊
窺之石粼粼見波底顧謂白菴曰果然吾輩憂也罷酒升輿五里許至
心山山有異草風吹之不偃無風乃自搖漢陽厥守漢中過而異之棄
官修仙此山復二里所至魏山三面險絕惟北小徑可捫葛而升晉吉
挹督護梁州秦韋鍾來寇挹嬰壘急口岐山固三年不可下固知茲山
之阻可壘也又三里度香溪溝入崇山中有石洞相傳呂洞賓郭尚灶
傳道茲洞洞前有石棋枰及子人不敢取尚書胡浚詩鏤石壁令從者
芟棘通道前後推輓二人並詣其顛山約數百仞高近眺西北巖巒亘

坐白菴嘆曰焉得塞塞一并討乎余因指燕子嶺謂白菴曰往劇盜淡
文省巢據茲山距邑二百八十里余提兵往撲之七十里經鳳凰山又
指而視白菴其山盤二十里中有十二層崖甚奇以戎事不暇登又三
里所經槐林異之而亦不暇問至燕子嶺滅賊訖暫詣山中草菴有老
比丘自稱元時人頭白而顏紅問其年不記也詰其度牒則曰有出視
之紙厚方可七尺許字如縈蚓盤蛇蒙古書也見余踟躕坐驗其牒與
年等縱之回軍至桃林旁園高中低而夷草舍置中堽石澗泉繞舍左
右流一道人年可九十餘而色不槁問之曰採桃實自給耳左右耳語
曰道人頗豐積余因戲之曰聞道人甚饒可餉諸兵一殮乎曰非都憲
不給具食其它則可留宿明發人具折供二千人無漏者歸而復召二
人皆不知所往矣夫秦政暴毒遠在四州且避亂入桃花洞況關陝近
切湯火能無幽道萬山如桺源客乎則燕嶺鳳山固有希心異人而求
不死之鄉如老比丘道人者吳疑不與之談接者尚多也乃與白菴憑
高遐覽東則鄖襄諸山南則劔閣子午谷西則終南棧道北則商顏秦

嶺或筭植天表或丹青一抹微豆積黛隱約蒼霧間目眦盈溢神情敞
朗僅能標長組履不借盡凌雲磴吊四結諸葛武侯韓昌黎之遺跡已
而歷青城峨眉籍葛陂之龍以與朱桃椎封君達諸公遐翔埃壘之外
可乎白菴曰榮願系人達心莫暢相與嗟唏者久之金麗動林玉蟾將
挂樹乃命歸輿從陸入東關至治燈火且燭門矣

數未敢忘戒心至過大梁望滎陽則平川廣野高樹疎墩千里如席想
像楚漢大鏖戰處赫焉如昨稱其雄偉踰汜水渡京索間詠唐武教倉
鴻溝諸處皆在側不百數十里而近而所謂虎牢成阜之險依然故
在汜水城外其稱歲邑積前及擊則遺城古藁壘猶如丘垤橫橫獨立
或小或大不絕如奕子問其人姓氏族里莽不可得惟越宋諸帝后陵
墓居人猶能指點道說而所遺石人馬犀象則皆斷裂毀缺散臥於廢
墟殘壘夕陽孤戍間牛羊奔奔時求觸角惟有感嘆入洛會鳳泉翁喬
樺皆喜此睚之非偶於其城北側即山南始於嵩東挹首陽歷歷圖畫

環抱後先伊洛澗灋繁帶左右脉絡明甚總之滙於河信是四塞使有
人守之孰能飛渡然路邦滅社常相屬固國果不以山谿之險矣初八
日入秦關見黃河萬里遠關之北終南太華諸山聳屹天際迤邐而東
境界變別回顧琅邪豐山之雲高江長淮之流不知渺在何許始覺離
隔然我君之丰神眉宇情分氣味則宛在車輿几席夢寐飲啜間矣

關西行記

僕四月入關分守關西理在涇許涇雖荒落陋

瘠然所過西安所部平涼鳳翔則皆古賢聖豪傑誕育經營之地固平
生之所寤寐快覩者遇行部必迂途往觀用以激昂砥礪試爲諸君誦
焉方自靈寶出函谷望潼關見黃河迢迢從西北來切抱關麓而太華
三峯高竦東南歷歷如畫乃賈生所謂踐華爲城因河爲固者今猶宛
然真稱天地之險使秦漢唐隋稍能布張政教用維其人豈有敗與亡
哉自關行六十里至華陰縣縣正直太華西嶽廟在縣中宏壯不可言
又六十里至華州遙睇驪山諸阜信若培塿兒孫然又五十里至渭南
涇源出鞏昌之烏鼠同穴山迤邐而東行可千餘里合汧漳鎬戲漆沮

潼關澧澗涇汭諸水西至于華入河而斯邑適在其南又八十里至臨潼所謂華清繡嶺僅存其名茫茫惟土至驪山亦不甚高惟溫泉如昨然當年繁華侈盛俱隨浮雲流水散矣爲題古今殷鑒四大字於驪阜而去自是西行則新豐鴻門灞橋皆在所歷過橋不三十里入長安履任經長樂里登西南城望終南諸山高入雲表張屏列障儼如番盡橫帶會城周際而山之下周方數百里多秦漢故渠膏腴沃壤古所稱天府陸海殆謂斯域外此則昔所習稱未央長樂諸宮上林樂游諸苑與昆明曲江棘門細柳雲陽豐鎬杜陵韋曲樊川御宿歷歷皆在目睫指顧之前乃憶唐人所云宮中下見南山盡者真實語也四月念日出長樂赴涇原路當西出咸陽爲欲至終南游所謂祖菴樓觀者乃東出長安門望鄠縣行可七十里鄠古崇侯虎國也後文王奉天伐之作豐邑路皆廣原平陸中有渠通長安渠上垂楊夾峙參天合抱長亦五六十里不斷人行樹底殆不知有夏出鄠縣里許爲漢陂上爲紫閣峯峯下陂水澄湛環抱山麓方廣可數里中有芙蓉鳬鴈之勝杜子美所云半陂

以南純淩山者也恨不得岑參王維少陵其人載酒從之游又四十里至祖菴元王重陽道場也有石刻遺像與其手書書亦飛動奇論又一十里至樓觀觀蓋老子與關令尹喜傳道處也上有說經臺臺在終南山腰松阡石徑迤邐而上最上有洞可容數十伯人非惟西北所無殆非人境又二十里至盤屋盤屋形勝膏沃與鄠埭而長楊五柞舊宮皆在其境又七十里至武功武功古郃國后稷舊封禹貢所載惇物若秦嶺藍關於子午谷諸勝皆在東南睥望中又數里與人遙指馬嵬坡會日欲暮不能往然問俗所傳土音成粉非實事憶昔婦傾城之詠為歎息久之又七十里至乾州乾於唐稱奉天從此地漸高寒有邊鄙意出乾西北數里經乾陵則天葬處也所遺石翁仲人物雜臥土石草樹間甚鉅且眾則當其盛時雄麗可想然行道之人語及盜掘亦多詢而羞之真稱遺臭豈若昭陵杯土漫然九峻山下之有耿光耶從此過永壽縣至邠州邠本稱豳玄宗開元間因鄜岐周府兵幸其地以劇近幽字改今名稱至今入其境則陶穴纍纍如見公劉時人而所云淩陰室履

跡坪與其隘菴種種故在北望甘泉林光諸故址燭焉未滅而甘泉則黃帝祭天雍時萬靈明庭處也西行百八十里至涇州涇以涇得名水切城麓詩大雅所謂密人不恭侵阮徂共者皆其境內共卽土人所稱共池是也回中山在其城北一里許其下爲涇河汭水從西來屬涇城東南流數百里東至於華陰合渭而汭之源則出隴州城北弦蒲藪詩言汭鞠之卽是也蓋關中山最多而水亦無慮數十其最大者爲黃河次則涇若渭其旁諸水數十則皆隨在入涇渭從涇西行百四十里至平涼平涼於春秋爲朝那漢析置安定郡故又稱安定渾城會盟壇在其城西北五里今惟名有西行可三十里至崆峒山問道宮在焉志稱黃帝問道廣成子於斯山而山高際天峯巒聳拔信是仙靈之宅又西七十里而羨過蕭關漢文帝時匈奴入蕭關燒回中宮卽其處然宮址莽不可辨矣又八十里至固原原卽詩所云薄伐玁狁至於太原者本是侯服然地近北邊風氣高冽八月中雨雪者再秦文王所爲詛楚於朝那湫者在焉然有二一在州東二十里一在州西三十里水各方數

十里深不可測傳有蛟龍藏其中人莫之敢狎然歷世滋邈忘其本名
土人但稱東西海子云而西海子水流百數十里經隆德靜寧兩界卽
好水川也宋與夏人大戰場在焉東望環慶延安境相銜接追憶韓范
經營殫勞心力然卒罔底績豈自古豪傑功業之成亦藉天幸與國運
耶乃若平涼東北百六十里則爲鎮原縣漢潛夫王符之鄉也符才足
用世而限於衰季嬖倖塞塗弗克行其志今讀其書甚可痛金泰定間
州守种某嘗作思潛亭於其書臺舊址然久廢而土人莫之知余爲立
石其處章表之此皆平涼東西北境也率以防秋之役行視焉又夏日
出按鳳翔則由涇東南行百餘里至靈臺靈臺之名雖古然非詩所歌
詠特以文王爲西伯征密須嘗過其境後人神明其地築臺以識遂名
至今而古左丘明晉皇甫謐隋牛弘唐牛僧孺寔生其壤今其祠墓宅
野巍然而存又東南百里至麟遊縣縣南五里九宮故址在焉祇存歐
陽詢書記一石而字多剝落不可讀所謂十二層樓園苑西者惟翠嶽
丹梯尚無恙爾然古木枿槎半無枝葉欹斜偃側巖壑無光矣又南八

法名詩
十里至鳳翔鳳翔秦故都也秦雖起西戎有非子者爲周孝王主馬於
汧渭之間馬大番息封爲附庸邑之秦使續嬴氏之祀故今城中有穆
公與三良墓余行過之則強彼繆之謬而重興黃鳥之哀焉登城以望
見岐及梁山奠其東北岼與吳山亘其西南襟帶環合居然一大都會
雖其雄偉廣博差謝長安而聲明禮樂殆踰他郡又城東門外有東湖
卽大旱不涸花木水竹之勝舟楫壺觴之適無讓江鄉而凌虛臺喜雨
亭址在其北陬今則復爲荒烟野草如蘇長公之臺記語矣從鳳翔西
行七十里爲汧陽汧於漢屬隴巖縣耿況嘗封于其邑又有唐人段太
尉秀實祠汧蓋其鄉也又西七十里爲隴州而吳山在其東南七十里
號西鎮然在周職方則稱岳李義山所稱吳岳曉光連翠嶽者是也巖
石聳峭林木秀阻九峯雖立如筭拔地而舊志第稱爲五峯余爲數之
實有九數已刻其說於巖壁豈帝命巨靈雕刻鑿削特示工巧其勝乃
若是耶又東南百餘里爲寶雞大散關在其西南數十里路通褒斜宋
與金人百戰爭得之而石鼓山在縣南二十里陳倉山距縣東南百十

餘里志載山上有石類山雞晨鳴山頭則聲聞數十里而縣因以名縣南十五里有曰益門山者所從入蜀道也棧閣蓋寔自茲始縣東南八十里爲磻溪溪流注渭旁有石室傳爲太公所爲避紂地東坡爲鳳翔簽書判官時夜遊焉詩言夜入磻溪如入硤照人炬火落驚猿蓋實錄也而穆公女弄玉鳳女臺元貞人丘處機清鳳臺皆在縣東南六十里外至張三丰菴則在縣東三里焉志稱三丰洪武癸酉秋七月念日自言當逝留頌以別邑人楊執山等爲置棺歛比葬發視之三丰復生後入蜀見蜀王又入武當山或遊襄鄧間永樂中嘗遣使尋訪竟不遇爲宮以待之余他日遊武當親見成祖所爲招三丰手書當不妄去寶雞東南行數十里爲岐山縣縣西八十五里爲岐山中有周公太公召公三廟巍然並峙而岐山之南數里而近則爲郿太白山峙其東所謂和尚原五丈原斜谷關者則分峙其西誦出師未捷身先死之句爲之淚下若東南五十里則有橫渠先生祠其北二十里爲郿塢漢董卓所爲貯金積穀傲視富貴無窮者夫張祠董塢地相距甚邇而使人

貴賤愛惡至與天地隔若此然則吾人百年易盡之身其惡可不通修厥德也歟又東爲扶風漢畿輔地其人則馬援傳毅馬融諸子望於其鄉又東則醴泉咸陽雖非余所守然往來會城必道焉咸陽故阿房宮址褰帷四顧但見蒼蒼雲木離離禾黍泔泔泉流彌漫近遠爾又北行以望周文武諸陵若漢高長陵祇遺數大阜近道側其餘環長陵者以百數繁繁錯落率如屋如鍾如釜如甕如廩如積不知其爲后歟王歟將歟相歟公歟侯歟祇增嘆息彼貪且惰者可以悟而省矣遠道垂囊無可持贈贈君斯紀奉供卧遊若夫飄泊離索之懷世故戎情之曠與風謠習俗嗜尚之異齊欲一一而記歟須伐南山之竹矣

鳳鳴山記 鳳翔卽岐周今在八府爲地少然邑湊而無險阻上物亞於西安余至鳳縣觀鳳鳴之山曰南岐至成縣前古西康州有鳳鳴處鳳縣今屬漢中成縣今屬華昌各去數百里間於羌戎則文王治岐地蓋廣遠矣余又由南岐至柴關諸嶺木爛于道樵采弗覩而長安之民無種火之薪物用有無何可以相通哉

青唐卽邈州其地在黃河之曲直西至成都數千里北

占河湟間千餘里河湟間有鄯洮河渭蘭饒疊岩等州唐爲隴右節度而鄯善其治所也蓋出自積石導河導河行數曲而湟水滙水入焉河渭蘭饒疊岩在大河之南洮岷又在洮水之南湟鄯部積石軍在大河之北湟水之南河州渡河至邠靈寺卽唐靈岩寺也貞元十九年涼州觀察使薄承祧所建寺有大閣附山九重中有佛像刻山爲之高百餘尺環寺皆山山悉奇秀有泉自石壁中出多臺榭故基及唐人碑碣三十里至墨城城自山削成屈曲相重自墨城西下坡十餘里始得平川地皆沃壤中有流水羌多依水築屋而居激流而磴由平壤行三十里至湟州城周七里水倚高山北臨宗河橋西入省章峽山峻嶺二十餘里至湟復由小徑下十餘里道出峭壁間縈紆曲折不容並馳其道斷處鑿石爲棧下臨湟水深數百尺過者寒心崖壁間多唐人鐫字中途遇平地纔廣數畝羌因之卓帳建寺焉四十里出峽屈曲下至大川卽宗哥城川也川長百里宗河行其中夾岸皆羌人居間以松篁宛如荆

楚又四十里至宗哥城分東西二壘廣八里北依山南枕湟水北諸城最高至秦州千餘里東北至西京府西北至甘州城皆五百里東至蘭州三百里北至河州四百餘里又二十里至青唐城城枕湟水之南廣二十里傍開大門中有隔城以門通之爲東西二城僞主居西城門設譙樓二重譙樓後設中門復設儀門門之東契丹公主所居樓西爲絕級夏國公主所居也過儀門北二百餘步爲大殿楹棟皆繪黃殿基高八九尺去座丈餘矣碧琉璃磚環之羌呼禁闌凡首領升殿白事止琉璃磚外犯者殺之傍設金台佛像高數十尺飾以真珠覆以羽蓋國相廳事處其東直南大衢之西有壇三級縱廣畝餘每三歲一祭天於其上西城無慮數千家東城唯陷羌人及陷羌人之子孫夏國降羌干闥回紇賈販之人數百家居之城西有青唐水注宗河東西平原建佛祠廣五六里繕以周垣屋至千餘楹爲大像以黃金塗其身又爲浮屠十二級以護之阿里骨歛民作是像民始離心吐蕃重僧有大事必集僧決之僧之雁法無不免者城中之屋舍居半唯國主殿及佛舍以瓦餘

雖主之宮室亦土覆之自青唐而行四十里至林金城城去青海善馬
三日可到海廣數百里其水鹹不可食以疑爲鹽其色青中有島廣十
里習禪者藏粮居之海西北皆平衍無壟斷其人遂善數草以牧以射
獵爲生多不粒食北至有鐵墩高丈餘羌云此以識界自鐵墩西皆黃
沙無人居西行逾兩月卽入回紇于闐界又樊牛城在青唐北五十餘
里其野產犛牛城之北行數日達大山其外卽接契丹又青唐之南有
瀘戎漢呼爲瀘甘子其人物與青唐羌相類所造鎧甲刀劍尤良瀘戎
之南卽西蜀之界蜀有崇山絕險之限此皆青唐邈州土疆風俗之可
紀者也

西蜀雜記 季月之望發自梁川春服在躬惠風穆然匪恣遊以
騁豫豈從事之獨賢率水許而窮日弔漢相以效成定軍之聲廢壘存
焉慨矣作之難復惟墓草兮芊芊指畧陽以振轡循白河而泛舟千峰
壁立萬木縑繆蜀道盤青泥之險靈巖故闢若之幽書則巖驚而霧慘
夕則虎怒而猿愁出栗亭之逶迤瞰鐵峽之崔嵬華胥大吳之里三陽

八卦之臺隗嶽竊據杜用張徊諮往事兮欲長擗天水而悠哉於是歷
南安之墟探鳥鼠之穴西傾綿亘洮流若決玉龍卧落日之波露骨封
炎阿之雪環鳳林以嶙峋攀岑楹而神悅悼學士之輶軻幸奎章其未
滅臨積石以觀瀾仰大禹之休烈批巖注壑齊湊通折崇關虎踞明煙
壺揭控扼戎荒豁豁澎湃香沉璧其永淪孰浮槎以還者恨持斧之遐
蹤濟輕航而希侶路入古湟時維徂暑雨雹交加已巒修阻青海爲鄰
倉廩何許欽老將之長慮策便宜以屯田戢弓戈而不試竟坐困乎罕
升練舊營以昭軌蓋芳譽之開先總部酋而倍順終有感於遺筌歲賓
庭以輸欵悉歛社而聯肩樵奇趨迅騁稟關聯羈縻勿絕恩威孔宣邊
聲瑟瑟客子言旋涉冰溝之嶄嶄非祈連之迂派次姑藏以極眸渺爪
沙其美眉被罪風吞沉淪冀精騎以叶從嚴烽諜於層隘犬羊不足以
爲虞狐鼠曷能逞其恠瞻臯蘭以隔津忽一葦而東邁踰安定閱清平
覈肥瘠較縮盈雲錦紛錯七圍迭望驟北之繁徒誇於異代渥注之駟
自是而踵生將絕塵以飛沫詎伏櫪而哀鳴顧塞後其甫集爰凌雪以

戒旌挹崆峒邀廣成至訣不可訪琳閣虛崢嶸下涇汭而躋回巔謁金
母而吸瑤液緬周王之逸駿詫孝武之留核經幽谷以踟躕覽姜嫄之
履跡憶直父之圖存乃遷岐而避狄梁山衍谿而穹隆鼎趾蜿蜒而迢
邈於唐宗則陋其失柄於文武則思其丕績雖蕪淺之已均猶分情於
欣戚尋引加於咸京向曲江而憑軾左嶠潼以漸邇面終南而非迭嶺
平野以延貯獨鴈塔之凌空歌斷宜春之苑煙迷五柞之宮懷求言於
仗馬徵抗疏於擊熊俯百二之壯麗諒佳氣之鬱葱博物理以自適奇
笑傲於乘風馳迥漠而何憾知予志之尚雄倘歸約之可信寧復滯於
秦中

唐書卷一百一十五
草堂者蓋因自然之溪阜以當壚洫
資人力之締架後加茅茨將以避燥濕成棟宇之用昭簡易叶乾坤可
容膝休閒谷神全道此其所以貴也及靡者居之則妄為翦飾失天理
矣歌曰山為宅草為堂芝室芳葍房羅靡蕪拍薜荔荃壁芳蘭砌靡蕪
薜荔成草堂中有人兮信宜常讀金書飲王液童顏幽操長不易

越館者蓋卽林取材基巔拓架以加茅茨居不期迅為不至勞清
談娛賓斯為尚矣及蕩者鄙其隘聞荷事宏麗乖其實矣歌曰紫霞隈
清溪側雲松烟為芳千古色芳蘿靡陰蒙籠幽人架館在其中叶夙霄
坐霞旦蘿靡蒙籠依越館粵有賓芳時戾止樵蘇不爨清談而已永歲
終朝常若此蘿靡蒙籠蘿翠庭者蓋峯巘積陰林蘿沓翠其上絛蘿
其下深湛可以王神可以冥道矣及喧者遊之則酣譁永日汨其清而
薄其垢矣歌曰青崖陰冊礪曲重幽疊邃隱淪蠲草跼絛蘿翠蒙籠富
其無在庭中當其有蘿翠庭神可谷道可冥幽有人芳張素琴白王微
芳高山流水之清音聽之惜澹芳冥是心洞元室者蓋因洞元室者蓋因
曲卽室卽理談元室成自然元斯洞矣及邪者居之則假容竊次妄作
虛誕竟生異言歌曰嵐氣蕭芳幽翠冥室陰戶虛芳芳迎披蕙帳促蘿
庭談空空芳覆元元蕙帳蘿庭洞元室洞元室者蓋因洞元室者蓋因
緝妙思洞芳草元經結幽門芳在黃庭洞元室者蓋因洞元室者蓋因
南麓天門右崖傑峯如臺氣凌倒景登路有三皆可少憩或曰三休臺

可以會馭風之客邀絕塵之子超越真神蕩滌塵襟此其所以絕勝也
及世人登焉則竟散神越目極心傷矣歌曰天門豁僊臺聳傑屹崒兮
雲傾湧窮三休曠一觀忽若登崑崙兮終期汗漫山聳雲間倒景臺舒
顯氣軼鸞埃皎皎之子兮自獨立雲可朋緬可吸曾何榮辱之可及

桃煙廷

者蓋特峰秀起意若桃煙秘廷宵如仙會即楊雄所

謂爰清爰靜遊神之廷是也可以超絕世紛永縈精神矣及機士登焉
則寥閭懽悅裴懷情累矣歌曰臨泐漭背青巒吐雲烟兮合窅冥悅歎
翁兮沓幽靄意漂渺兮群仙會窅冥仙會桃烟廷竦魂形凝視聽聞夫
至誠必感兮祈此巔絮顯氣養丹田終紡像兮覩群仙
仙磴者蓋危磴穹窿廻接雲路靈仙彷彿想若可期及儒者豎所不見
則黜之矣歌曰霏微陰壑兮氣騰虹迤邐危磴兮上凌空咫尺雲路期
仙磴虛可憑道可證青緌杪紫烟垂鸞歌鳳舞吹參差迎鴻駕揖瑤軒
山中人好神仙想像于此欲升烟鑪丹鍊液佇還年
磯者蓋穹谷峻厓發地盤石飛流噴激積漱成渠淙性滌煩則有幽致

可為智者說難與俗人言歌曰靈磯盤薄兮噴涌激靈風兮鎮冥壑
研苔滋泉珠紫一懸一飲塵軼滅磷磷瀉漣漪兮赫煩磯靈仙境兮仁
智歸中有琴徽侶王羲羲湯湯彈此曲寄聲知音同所歆雲錦淙第九
雲錦淙者蓋激溜攢衝傾石鼓倚鳴湍疊瀉噴若風雷壯輝分麗煥若
雲錦可瑩徹靈囑幽旣忘歸及匪士觀之則友曰寒泉傷王趾矣歌曰
水攢聳石叢聳煥雲錦兮噴湧蒼駁華草負緣芳巖翠兮瀨濺濺水
石攢衝雲錦淙波跳珠泉結流有紫冥者媚此幽漱靈液樂天休實獲
我心夫何求金碧潭第九金碧潭者蓋水紫石鮮光涵金碧岫葩林蔦
有助芳陰鑒洞虛徹道斯勝矣而世士纏乎利害者則未暇存之歌曰
水碧色石金光灩爛灼灼兮漢湟湟泉葩映煙薦臨岫霏林翠芳陰霜
月洞烟景涵水色石光金碧潭幽有人兮好冥絕炳其煥凝其紫悠悠
終古長不滅

宋方輿勝覽褒谷在褒城縣北郡國志謂北口曰斜南口曰褒長四百
七十里同為一谷兩谷高峻中間谷道褒水所流乃張良送高祖至褒

中說燒棧道曹操出斜谷遮要以臨漢中諸葛亮由斜谷取郿皆此道也斜谷在府西北入路至鳳州界百五十里有棧閣二千九百八十九間板閣二千八百九十二間土人云其間有一溪可行舟孫資曰昔武帝征南鄭取張魯陽平之後危而後濟又自往拔出夏侯淵軍數言南鄭直為天獄中斜谷道為五百石穴言其深險喜出淵軍之辭也

龍門山去軍城五里官道之傍懸壁環合上透碧虛中敞大洞下漱清泉宛然天造永簾懸夏水柱凝冬真異境也文潞公詩壺中別有境天下更無奇宋景文趙清獻王素韓絳田況呂公弼呂大防諸公皆有留題行三里又有後洞蘇元老龍洞記自利至興行五百里幾半蜀道而巖洞之可喜者莫如龍洞重簷屋深不可窮唐沈雲卿詩長寶亘五里宛轉復嵌空伏湍照潛石瀑水生輪風

仙人關自講好後關中之地中分為界如南關大散仙人饒風武休等皆為我有外分左右道自成州經天水縣出皂郊堡直抵秦州頃年吳璘大軍嘗由此以出西道地皆平衍即其地壕塹縱橫引水

縵行名曰地網以還奔衝此仙人關左出之路也自兩當縣趨鳳州直出大散關拒和尚原縵咫尺彼當憑原下視散關僅如塏堦故其勢易以危卒有緩急仙人關可守耳此仙人左出之路也

武休饒風關鳳州之東興元之西褒斜谷在焉谷口三山巽然對峙南曰褒北曰斜在唐為驛路所以通巴漢旁連武休關又極東為饒風關地斗入根連難致異時獨倚饒風以控商虢由武休以達長安故當關為蜀之咽喉向來撒離合寇饒風以迫仙人吳玠劉子羽以死守故不失西蜀則今諸關其可不嚴其備乎紹興十二年金人造賀景仁來分割乃割商秦之半存上津豐陽天水三邑及隴西成紀餘地棄和尚原方山原以大散關為界於關內則興趙原為控扼之所尚原朝野雜記紹興初金陝西選鋒都統奏宿死兀朮會諸道及女真兵數萬人造浮梁跨渭親攻和尚原吳武安以陝西都統制出奇邀擊大破之兀朮中流矢二獲其摩蓋自虜入中原未嘗如此敗衄也知成都張巖曰最為衝要自原以南則入川路散夫此原是無蜀也

東方輿勝記 仇池山在郡西百里寰宇記今成州上祿縣其山萬峯萬
向山勢自利東西二門盤道可七里史記所謂秦得百二之固也元和
志載宋書氏胡傳云仇池地方百頃四面斗絕高平地方二十餘里羊
腸盤道三十六回山上豐水泉煮土成鹽范曄後漢書河池方百頃左
右皆白馬氏矣許靖過仇池樹下有碑靖一覽無遺故杜詩云讀記憶
仇池謂此也又萬古仇池穴沿通小有天神魚人不見福地語真傳近
接西南境長懷十九泉何時一茅屋送老白雲邊

古今游名山記卷之七終

古今游名山記卷之八

括蒼何鏗振興

廬陵吳炳用

恒山 山西諸山泉附

恒山 按恒山五嶽之北嶽也周官并州其鎮山曰恒山風俗通曰恒常也萬物伏北方有常亦謂之常山爾雅曰常山謂之恒山五嶽圖云恒山高三千九百丈七尺上方三十里周廻三千里有太玄之泉神草十九種服之可度世管子云其山北臨代南俯趙東接河海之間早生而晚殺五穀之所蕃熟四種五穫焉後魏書云道武立廟於其上置侍祀九十人歲時祈禱水旱至文成帝東巡親禮其神焉 初學記

殷張 有國者殷薦于天地聖秩山川故災沴不生

矣有家者嚴禋于鬼神克諧禮樂故休祐斯應矣由是上下交泰幽明相協五精同朗辰爲水其味鹹五鎮俱清恒爲冬其音羽大哉茲嶽殊於衆山蒿華乃跼於近甸衡岱不踰於方域孰與夫包括綿長經綸中

外夷有鼎宿主胡則延袤以限之中郡有五寶符在代則高褭以臨之其頂也上扶乾門黑帝之宮觀其足也下捺坤軸玄神之都府豈止劈冀魏截幽燕拒淇河撐大海頊洞合沓半天下之襟帶嵯峨巉巖一宇內之標格者也故知惟上有精惟山有靈窅窅冥冥其道至平其德至貞氤氲馨馨日之不覩夫形耳之不聞夫聲陰陽不測夫奧所以存像設建祠庭矣稽彼上古泊乎中運五載巡狩百神懷柔皇王令典以之協祚歷數昌期以之交泰粵自歲漢爰逮周隋匪脩匪虔或僭或侈不勤於省者其政缺非美而封者其事訛於戲黷祭虛陳昭靈罔吝更張禮秩固待雍熙粵若我唐正百王頽教恭惟我后揚五聖丕烈人神允洽動植和暢乃藉此鍾柴南壇碑西嶽泥東岱是用告厥功祇其祠也非夫昭信雄直豈有亭於明代哉

明北嶽志北嶽在渾源州之南紛綴典籍書著其爲舜北巡狩之所爲恒山水經著其高三千九百丈爲玄嶽福地記著其周圍一百三十里爲總玄之天子家太行白巖之傍距嶽五百餘里心竊慕之未

及不覺懷想者二十餘年至正德改元奉天子命分告于西藩園陵
嶺道經渾源去北嶽僅十里許遂南行至麓其勢馮馮熅熅忒昇千
天縱盤于地其胃竄高雲其巔經赤日余載喜載愕歛色循坡東迤嶺
北而上是多珍花靈草枝態不類挑芳李葩映帶左右山半稍憩俯深
窺高如緣虛歷空上七里是爲虎風口其間多橫松強栢狀如飛龍怒
虬葉皆四衍懔懔然怪其太茂從者云是嶽神所寶護人樵尺寸必有
殃故環山之斧斤不敢至其上路益險登頓三里始至嶽廟額楹古像
余肅顏再拜廟之上有飛石窰兩崖壁立豁然中虛相傳飛于曲陽縣
今尚有石突峙故歷代怯升登者就祠于曲陽以爲亦嶽靈所寓也然
歲之春走千里之民來焚香於廟下有禱輒應赫昭于西方如此豈但
護松柏然哉余遂題名于懸崖筆詩于碑及新廟之廳上又數十步許
爲聚仙臺臺上有石坪於是振衣絕頂而放覽焉東則漁陽上谷西則
大同以南奔峯來趨北盡渾源雲中之景南目五臺隱隱在三百里外
而翠屏五峯盡錦封龍諸山皆俛首伏脊于其下因想有虞君臣會朝

之事不覺怡然又憶在京都時嘗夢登高山眺遠今灼灼與夢無異故知茲遊非偶然者

龍潭山記 自恒之南歸然崛起于太行之東者封龍之山也恒亞回環望之四面如一迺曩時飛龍山也唐天寶六載始易今名背潭沱之巨浸右井陘之絕險實鎮陽之壯觀非若羣山之迤邐也龍首興雲而致雨獅子青毛而赤霄白羊牧兮玉石亂華蓋擎兮青松高鍾磬互鳴於梵宇金碧交映于琳宮醺石突兀吟臺嶂嶸蟠挑欲老黃精產兮延齡至如奇峯怪石清泉茂林可使畫者勞想遊者忘歸青城鴈峯不獨美於西方巫峽廬山莫專名於南土有徐童仙觀郭元振劍石徐童觀者在獅子峯大谿之下中央平坦地多桐木花其花清香襲人其子碧可染青碧色若移植他處則不活觀中有泉數處傍宜栽桃種荷曹仙跡之北嶽徐真君登仙之山也又山記云路元素因人山遇老人與藥十粒日服此則不饑吾姓徐字元英新受長桑君牒召北嶽長史言訖化為童子乘雲而去因得名焉郭元振者唐時魏人也少遊學

於此上獅子峯前有石屹然高聳俄聞霹靂聲裂其石五色雲氣自石中出元振由是得寶劒于石罅後仕睿宗出入將相又有東西中三書院其遺址在焉當時皆名儒碩士傳受聚徒至百人置山長山錄以領之又多仙遊勝跡自漢唐而來棲真之士輩出其間神龍蟠池油雲鎖洞三晉之間不遠千里來禱輒應今者縣宰昭勇公於明昌辛亥秋游封龍登獅子峯欽禮三清瞰龍潭游禪堂遍覽山中勝槩徘徊久之登霹靂石遂揮毫而作頌云

吾友渾源劉京叔嘗以詩來盛稱其鄉泉石林麓之勝渾源實吾代革獨恨未嘗一游焉今年夏因赴試武川歸道渾水修謁于玉峯魏公語及是邦諸山若南山若栢山業游矣惟龍山爲絕勝姑缺茲以須諸文士同之子幸來殊可喜乃選日爲具拉諸賓友騎自冶城西南行十餘里抵山下山無麓乍入谷未有奇公溪曲折行數里草木漸秀潤山竦出嶄然露芒角水聲鏘鳴兩峯間心始異之又盤山行十餘里四山忽合若拱而提環而衛者嘉木奇卉被之葱蒨醲郁風

自木杪起紛披震蕩山與木若相顧而墜者使人神駭目眩又行數里有泉泓澄渟溜狀出石罅激爲迅流陰木蔭其顛幽草繚其趾賓欲休咸曰莫此地爲宜卽下馬披草蹠石列坐諸生淪觴以進酒數行西有大石余乃援筆書游者名氏及歲月而去又行十許里大抵一峯一盤一溪一曲山勢益奇峭樹林益多杉檜枯栢溪花種種金闕玉錯芬香入鼻幽遠可愛木蘿松鬣皆人衣袖又縈紆行數里得岡之高遽陟而上行茂林下又五里兩嶺岐中得大雲寺林巒樹石櫛比楯立皆在几席之下主僧英公相與步西嶺過文殊巖巖前長杉數木挺立有磴懸焉下瞰無底之壑危峯怪石巔峴巧闕試一臨之毛骨森豎南望五臺諸峯若相聯絡西北而望峯豁而川明村墟井邑隱約如奕局然乃逕北嶺登萱草坡蓋龍山絕頂也勢峻絕無路可躋步草而往深弱且滑甚攀條捫蘿疲極乃得登四望羣木皆翠杉松檜凌雲千尺與山無窮此龍山勝槩之大全也降乃復坐文殊巖下置酒小酌日旣入輕煙浮雲與暝色會少焉月出寒陰微明散布石上松聲條然自萬壑來覺境

愈清思愈遠已而相與言曰世其有樂乎此者與明且各有詩識於石
乃循嶺而東徑甚微木甚茂密僅可通馬行又五里至玉泉寺山勢漸
隘樹林漸稀顧非龍山比寺西峯曰望景臺險甚主僧導客歷欽崙坐
盤石其傍諸峯羅列或偃或立或將仆墜或屬而合成離而分巽奇獻
異不一狀北望川口最寬肆金城原野分畫條列歷歷可數桑乾一水
紆繞如玦觀覽曠達此玉泉勝處也從此歸路險不可騎皆步而下重
溪峻嶺愈出逾有抵暮廼得平地念茲遊之富與昔所經見而不能寐
若太華之雄尊五老之巧秀女几之婉嚴烏權白馬之端重茲山固無
之至於奧密淵邃樹林蒼蔚繁阜不一覽而得則茲山亦其可少哉人
之情大抵用於所見而不用於所未見不知天壤之間六合之內復有
幾龍山也

鴈門山 鴈門山在代州北三十五里志云以鴈出其門故名
一名鴈門塞關因山以立凡山西之關四十有餘皆踞隘保固而聳
拔雄壯則鴈門爲最故趙之李牧漢之郅都備邊於此匈奴不敢近塞

固皆一時良將而不可謂非地險以成之也迨我 皇朝則特設武臣
守禦熊羆之士雲屯于此而又專屬憲臺以提督之地亦可謂要而重
矣余出代州北行皆登陟盤繞之路溪水潺潺流其民皆依山居高下
置屋圖不可盡午上關折西躡高嶺絕頂四望則繁峙五臺聳其東寧
武諸山帶其西正陽石鼓挺其南朔州馬邑臨邊之地在其北長坡峻
阪茫然無際又見魏旌高旗飄飄雉堞之上寒林古塞依依斜陽之下
頗動黃沙紫塞之思因賦詩三首筆于關之城樓

正德丙寅夏發沙澗驛由南峪口十五里入山長
松古杉掀空障谷鹿游于巖鳥鳴于叢上嶺至華嚴口望諸臺甚邇靈
雲怪霧淒風密雪相雜而起晃然窅然倏陰以晴造化奇觀不可形述
又十八盤下嶺石徑礪華萬澗汨汨泠泠如笙如簧凡揭涉七十里至
顯通寺寺因北岡而來風景殊絕梵剎數十擁于左右此下地漸寬夷
夜遂宿于顯通厥明山空澄霽但覺風颼颼起林間有僧進曰諸臺風
雪繁猛石且冰路且泥不利躋躡予笑而不顧乘小輿徑上中臺緣岡

行十里至玉亭寺嶺丹碧映輝薨閣于山腰又十里至歡喜嶺風果厲
發如隆冬時幾不能往稍憩嶺下風忽和遂至絕頂見四臺各拱其方
如分如織其形勢又各秀拔如爭奇闢廬于雲表予遂題名于壁薄晚
下山遊玉華真容圓通諸寺皆清幽曠邃寺傍飲三珠泉馨冽異常其
沸正如珠狀去泉百步許觀七寶珠樹高二丈許下爲一幹岐分七條
上復拱合爲一然後枝葉衍縱披殺四下復歸宿于寺又明日離寺山
行過飯仙山陽伯峪寺二十里過竹林寺又過嶺曰金閣殿唐太宗所
建今已廢下嶺爲青涼寺遠望宮殿綴附半巘儼若圖畫南有青涼石
幅員數丈重層複級而上俗傳可坐千人又行十里晚至佛光寺宿焉
已出在南臺之外也

明登靈寶洞記

孟夏自趙城覽周穆王封造父之地以趨中鎮時適

雨霽由峪口入十五里至鎮下其形勢可伯仲於諸嶽冢秀而舉翼拱
而墮廟在山麓遂行謁其中鎮之神像冕旒紳笏南面而中臨才參政
汝栗來僉事伯韶陪而在焉余謂二君曰先祖侍郎於景泰元年以吏

科給事中分告俾位于此越今將六十年予又叨承前役二君皆嘆曰
奇哉祖孫之相輝也及遍觀歷代祭告碑而府君之碑乃仆裂于地余
泫然二君同向有司具石以鐫今告文者尚幸有副在公無悲也廟外
皆本山分脉合抱以繞其前有古松數株高數丈槎枒怪詭如青幢鐵
幹枝皆東向十四日二君請遊興唐寺寺在廟南之山趾唐太宗始建
斷碑猶存依山帶壑特勝他處歸復宿于齋居十五日黎明服玄衣祭
冠肅拜于殿下以天子命告訖篆今告文于石又篆前仆碑于副石余
欲登其巔去廟尚有三十餘里棘莽羅密且爲熊掛蛇吼之區畏不敢
登因嘆古書云西方之美者有霍山之多珠玉焉今亦不知其處所矣

明都穆

游蒲州記

首陽山在蒲州南四十五里爲伯夷叔齊隱處癸

酉十月道過潼關去首陽里僅餘二十遂出關北渡黃河登岸卽蒲州
也至山下謁二賢祠門之外有古栢二其一大二十圍高二丈許形狀
殊怪其次圍殺三之一二根相距數尺而幹上交若兄弟之相倚者傳
爲二賢手植殆未必然其亦千年物歟祠之像爲宋元祐中所塑其前

明景祐元年游紫園山自五龍信宿而至

道路窈窕穿林木而上者幾十里及慈雲寺有僧數人邀予觀元人三十六景詩碣在墻根此恍然散且缺矣由慈雲石磴屈盤巖而下者復幾里則衆然福地爲雲蓋寺山勢四壁巉兀盤遶諸峯挺峙競秀而變形墜之鬱然葱葱西連王屋東俯林慮諸山南北相拱帶跨青蓮而衆之勝斯爲太行樞要也乃抵寺憩數日山僧導予游循石徑南渡溪由東峯入屏山遮地卽爲參園已墜爲田久矣歷西筆峯綠石而出時藥物纍纍然幽香杳至復西轉觀瀑布涇淙成流卽采藥坐石濯足飲泉而歸復數日山僧言西峯石局予忻然從之盤條覓步陟兩峯間其地盤夷可屋許予意宜置石室記刻于此忽飄風颭至西墜大谷煙暝蒼翠泉聲泠泠幽禽間作予愕然久之知卽所謂瀑布者邊峯峙立此得徑觀焉迺左右顧盼百景俱美神爽而氣逸飄飄然有丹臺石室之想峯巔峭峻間有奕局覆松焉北轉觀磨崖碑旁數石孔僧云舊有招涼亭于此復有故咸平閣餘址至則臺砌頽沒基礎相枕藉斷柱石已俱仆于水中惟蓬籬繞匝牛羊棲之而已予乃慨曰鑿石壘土將恃爲

無窮之觀而山川獨乃如此彼經營者今則惡觀其爲誰與之俱朽悲夫

王官谷者乃唐兵部侍郎司空圖之舊隱也人亡迹在松韻水聲雲光野色環照旌旆太尉吳公雅有山水興觀之襲徊乃屏牙伏扶筇曳屐登休休亭望瀑布泉思其人愛其景嘆嗟而不忍去者久之故作詩以見其志

知解縣事王秘處鄉令錢休載酒邀解縣丞李仇解州儀曹劉環制置解鹽司勾當公事李處質同游王官谷時秋律告窮木落山顯天宇清明乃相與按圖謀尋勝跡杖策褰裳度嶺涉澗經父碎建茶園品烹瀑布下較兩巖水味東巖尤甘旣而醉休休亭五人者相視而笑曰樂哉斯游已云暮矣殆將忘歸處質因紀其事而書之

尚書工部郎中集賢殿修撰知河中軍府呂誨獻可敕詔請闕二月丁巳道虞鄉游王官谷登唐人司空圖休休亭

望天柱峯遂觀瀑布水還取酒酌圖畫像廖子孟朱嗣卿劉瑄監可道
四人實從是歲熙寧元年

王官谷者皆以事奪不克到甚往來予心明昌元年夏四月復被朝命相
視隱利始克與判官路元解縣劉德源進士韓琪沙門明賢同游以酬
宿願首謁表聖祠下尋三休之故基揖天柱之危峯穿林泐流直抵飛
瀑巘坐客或折巖花以薦觴或酌溪泉以淪茗久之覺毛骨凜然殆非
人世抵暮題詩石壁而去

王官谷者唐司空表聖隱居之地今少叅許君德
徵重修而增飾之涇野子至解僭丘孟學往游焉馬至故市西折而南
谷水北流入市間卽貽溪也沿溪南行五里至谷口路多巉巘石礙馬
丹柿赤棘夾路掛裳衣躑躅至先門伏馬而過道荒登高至門門下砌
石百級夾扶之而後能上道流建閣以祀玉皇乃升閣參拜下閣北至
三詔亭又北過休休亭謁表聖日已暮乃南過了了亭有侯段兩生讀

青白雲洞則元孤雲子李了了菴所居以學休休者也乃南臨石泉橋望天柱峯則見羣山環拱而此峯孤高插天與故市街所望益不同蓋其峯南之崇山又遠也渡橋夜與孟學連榻石泉洞中洞在天柱峯根其前有清流自東瀑布泉引來而西匯爲小池欄護焉晨興瞻玩表聖像飄然有出塵態讀休休記乃知其抱經濟材與時不合而隱甚可痛惜但宋題耐辱居士則耕又病其隘也壁間多宋元人詩道流引登西山觀秦王硯硯大如碾盤無口下如尖底磴表聖山中記已有此名其秦敗晉師于王官時所遺者乎自硯旁不由故徑懸下蒼崖觀雙人石石在天柱峯西北倚峯而立上有圓石二枚恍若人面狀又似北望秦硯而欲濡毫者也道流又欲西觀藏雲洞北至蘆葦泉言洞常出雲而泉更甘冽云爲曹仙姑地未往直趨掛鶴臺瀑布自天柱直下而臺在其左旁鶴二月來五月生子去有縣草眠跡焉臺東與孟學四人各據一石而坐北瞰天柱益突兀有四瞻雲日俱無影止有一峯高接天之句欲東升以觀東瀑布道流難之又欲南進以睇黃河道流又難之

乃嘆曰天下奇觀豈可盡哉遂北反坐聚仙堂東游豬耳山又東南至瀑布登懸崖以觀之聲如雷轟貌如雪舞瞻瞰更久乃下崖傍流而行北至柿林臨流徧坐磯上孟學坐一孤嶼僧登樹頭摘柿落紅滿地吟興俱發各得幾詩僕自故市沽酒至道流菹以鮮蕨秋英乃滌卮澗中而傳酌蓋不羨古流觴也遂北至張御史所構觀泉亭則東西瀑布合流之地卽表聖之濯纓池也問修史覽照壁心九箴擬論諸亭及一鳴窻道流皆曰忘之矣乃謂孟學曰柵管蒲唐詩人若表聖者豈可以詩人目哉遂歸息聚仙堂又叫口道流以予不至仙姑洞也味莢取蘆葦泉中水煮豆粥佐以簌以餒予畢乃自石泉洞南登路如蚯蚓檜栢交錯難進乃以手拊道流輦一皂以一繩引道疏而後上至秦無隅塔前甗不見娥眉坡是日微陰蓋予已出雲霧之上矣盤曲再登至李孤雲塔乃嘆曰世之廉夫清士不用干時避世而至此邪則豈非執政者之失哉又東繞而上至八仙洞洞已到天柱峯腰洞口俯瞰謂孟學曰彼李孤雲者風斯下矣出洞又欲直上天柱之頂道流皆謂路不平行然

予益努力勇往幾至其巔俯瞰八仙洞又渺乎其下又嘆曰不知唐時
表聖之足復德微之攀緣曾至此否乎

休休亭記

休休也亦美也既休而且美在焉司空氏王官谷

休休亭本濯纓亭也濯纓爲陝軍所焚愚竄避踰紀天復癸亥歲滿稔
人旣安歸葺於壞垣之中構不盈丈然遽更其名者非以爲奇蓋量其
才一宜休也揣其分二宜休也且耄而曠三宜休也而又少而墮長而
棄老而迂是三者皆非救時之用又宜休也尚慮多難不能自信旣而
書寢遇二仙其名皆上方刻石者也其一曰闍諤謂吾曰吾嘗爲汝之
師也汝昔矯於道銳而不固今乃爲利欲之所拘幸悟而悔將復從我
於是溪耳且汝雖退亦嘗爲匪人之所嫉宜以耐辱自營庶保其終始
與靖節醉吟第其品級於千載之下復何求哉因爲詩外居士歌題於
亭之東北楹自開成丁巳歲七月距今以是歲是月作是歌亦樂天作
傳之年六十七矣休休乎且又諛而可以自任者不增歟負於國家
矣復何求哉有唐天復癸亥秋七月二十七日耐辱居士記

古今河源之說異禹貢云導河自積石未窮其源也漢

張騫云河有兩源一出于閼一出葱嶺唐薛元鼎云得河源於崑崙之水亦黃黑青色以方里穆天子傳言陽紆之山河伯所賦是惟河宗僊書言阿耨達山有大淵水卽崑崙也其山名往往不同者或古今變易或蕃漢異稱不然記者之妄耳按潘侍讀昂嘗河源志今朝之究河源蓋得之目覩非傳聞者也太祖嘗征西夏過沙陀至黃河九渡九渡者在崑崙西南憲宗命皇弟旭烈征西域凡六年拓地四萬里而河源在域內矣至元庚辰世祖命臣都實往西域將城其地以通互市自河州行五千里抵河源及還置城郭位置以聞上悅以爲吐蕃都元帥領工徒以往使其弟闊闢出馳奏大臣沮之次年還河源在吐蕃西鄙有泉百餘竇地方七八十里皆沮洳不勝人跡泉不可道觀登其旁竇下視竇歷歷如刻星然故名大敦星大敦者漢言星宿也星見者海也星宿海合流而東流爲二澤復合流始名黃河然猶謂之折河折爲九卽九渡也廣五七里下復合流謂之湟水湟土人抱犂載騎過之其聚落

之處多繡木如升以濟附以毛革中僅容二人又東則兩山峽束廣可
一二里或半里深淵淵矣崑崙腹頂皆雪盛夏不消河過其南距山麓
僅五六十里又南爲四達之衝地多盜常鎮以兵崑崙之西人民少山
居其南山峻獸有旄牛野馬狼狽獐羊之屬東則山益峻而地漸下岸
至狹或狐可躍渡河至貴德州始有官治歷積石至河州東北流歷蘭
州鳴沙州應吉里州流正東自星宿海至漢地河南北小水旁注者衆
其山或草或石至積石始林木暢茂世言河九曲而彼地有二折云漢
書言葱嶺河至蒲昌海水沃流而出臨洮今洮水自南下非蒲昌也土
人言于闐葱嶺水下流散之沙磧則其沃流信然其復出者莫知矣
或又云黃河與天通又云崑崙去嵩高五萬里閼風玄圃積瑤華蓋仙
人所居皆妄也世多言河出崑崙崑崙者蓋自積石而上掣之若源於是矣
而不知星宿之源在崑崙之西北東流過山之南然後折而抵山之東
北其遠山之三面如珙焉實非源於是山也然凡水者山之血脉也山
高而廣則其水必衆而鉅崑崙至高廣者也而謂無一水源於其間邪

其不言之者蓋欲破昔之謬著今之奇故略之爾延祐中閭闔出爲驗
林承旨潘侍讀與同寮故得其言如是余喜其詳而信因述之以資多
考云

三門集津在平陸縣治東六十里道由東西至黃
堆循河東下再行十里至其處河南山脊峻下其尾屬於北山鑿山作
三門以通河流南者爲鬼門中爲人門次北爲神門又次北及開元新
開河又以中爲夜叉門北爲金門新開河爲公主河未詳其說也鬼門
迫窄水勢極峻急人門水稍平緩直東可十五步中流有小山乃底柱
也東又十步其水滌迴謂之海眼深不可測神門最脩廣水安妥蓋唐
宋漕運之道山崑上有閣道且牽泐石深尺許正南下五十步有石聲
起側視若香爐然東又三十步一峯可高數丈不甚奇新開河南北廣
約二丈其峯石如甃又如繩之取隨行百餘步與神門水合其南一峯
壁立度二百尺許極奇秀石紋青黃相雜其巔多鵲鵲巢疊石爲瀛形
非飛舉者不可至不知其始或謂老君煉丹爐蓋神之也新開河左流

崑石下刻宋金人題名并詩且刻翠陰禹公二崑稍東刻忠孝清慎四字字畫若顏魯公書者其南山上有石巉然如鷗蹲者人號掛鼓石蓋禹用以節時齊力也自新開河東口涉水上山舊有開化寺今不存有小祠象龍神者前碑剝落不可模不知何時立祠檐下二石其狀如碑無字上作三藏一碑蓋金源興定十二年脩禹廟之記也回至西可二里上山謁禹廟而還所至處皆用小律詩記之

明張無棄游禹廟記禹門禹貢龍門也亦曰禹門渡云兩山石立河出其中廣不百步世謂禹鑿所謂三月魚上渡而爲龍也其東岸曰看鶴臺尤孤峭不可下瞰西爲梁山卽河梁也北曰建極宮道家祠神禹者也刻石十餘多元名臣文地極幽其間煙雲水石之聚蟲蛇罔象之居相傳桃花開時河水噴激聲震萬雷殆異今也並河之東爲太史公墓前爲廟有晉宋嘉中殷濟樹碑今皆圯於河徘徊良久作龍門之歌下山日已暝過子夏墓墓在新豐里新豐南曰通化里卽文中子講學處也明日得東臯子黃頰山詩東臯子文中子弟也名績字無功以琴酒

自娛隱黃頰山題是詩山壁詩極幽求非唐以來人語宋熙寧初李公
壽始訪其地刻石縣學因載所游其石陰附以龍門之歌龍門今天開
河水今天來我思古人今何在哉

明倫彙編 出河津縣西郭門西北三十里抵龍門下東西皆層
巒危峯橫出天漢大河自西北山峽中來至是山斷河出兩壁儼立相
望神禹既鑿之勞於此爲大由東南麓穴巖構木浮虛駕水爲棧道盤
曲而上瀕河而寬平地可二三畝多石少土中有禹廟曰明德制極宏
麗進謁亭下悚肅思德者久之庭多青松奇木根負土石突走連結枝
葉疎密交陰皮幹蒼勁儼蹇形狀毅然若壯夫離立相持不相下宮門
西南一石峯危出半流步石磴登絕頂有臨思閣以風高不可木甃甃
石爲之倚閣門俯視大河奔湍三面觸激石峰凝若搖振北顧巨峽丹
崖翠壁生雲走霧開闔晦明倏忽萬變西則連山宛宛而去東視大山
巍然與天浮南望洪濤漫流石洲沙渚高原缺岸煙村霧樹風帆浪舸
渺茫出沒大葉潼關雍豫諸山彷彿見之蓋天下之奇觀也下磴道石

峯東穿石崖橫堅施木憑空爲樓樓心穴板上置井牀轆轤懸繙汲河
憑欄檻涼風飄蕭若列禦寇騎氣在空中立也復自水樓北道出宮後
百餘步至石谷下視窈然東距山西臨河谷南北崖相去尋尺上橫老
桮爲橋踏步以渡谷北二百餘武小祠扁曰后土北山陡起下與河際
遂窮祠東有石龕窿然若大屋懸石參差若人形若鳥翼若獸吻若肝
肺若疣贅若懸鼎若編磬若璞未鑿若鑛未爐其狀莫窮懸泉滴石上
鏘然有聲龕下石縱橫羅列偃者側立者若牀若几若屏可席可憑可
倚氣陰森雖甚暑不知煩燠但淒神寒肌不可久處復自槎橋道由明
德宮左歷石梯上東南山復有道院地勢與臨閣相高下亦可以眺望
河山之勝遂自石梯下棧道臨流觀渡並東山而歸

然想游其地今幸奉命傳祀于西及將往行禮于商湯王廟下適河津
去龍門止三十里且有才來二君偕遂出河津西門是時陰雲四翳風
顛木號而興以勃發奈路沾雨由石棧進謁神禹王廟遍覽壁間圖畫

東西壁皆次第治水隨刊之蹟每段標以經語怪怪奇奇予所見圖書
變化雄妙者莫踰於此東有圖其標曰雪竇飛泉堯都席天章筆西有
圖其標曰煙凝古柏晉溪素菴筆後屏有圖二其標曰搗石尋珠湧露
出波前相有圖其標曰春江晚渡雪軒誠意筆想皆宋元名工因題名
於柱二君設酒子飛丹亭下瞰黃河自西北而來驚濤駭波騰驤而下
輪風驟雨相挾而作勢益涵湧蒼崖青嶂爲之響振二君復舉酒酒半
樂甚爰命榜人舉罾河濱得三魚乃復烹魚歡然對酌聯句至夜分乃
寢厥明乃復登看鶴樓以眺遠近河山俯視洪流陡絕百仞凜然有垂
堂之戒河之西是爲陝西韓城之境其山亦自北而來亦號龍門與東
岸之山相照而斷三秦記云龍門外懸泉而兩旁有山水陸不通魚鼈
莫上今觀之誠若此復覽遙岸而東卉木繁密得懸石峙若有待予乃
大篆龍門二字筆二詩已又賦禹門渡一章

龍門在秦晉之間萬山之會禹治水極力之地形勢
甲於海內久懷游覽而未獲內瀨子曰天下之美不努力一至卽脩遠

不可補况此禹跡所在乎他日谷泉子西巡亦猶是興也乃四月之初
實齋王子先自安邑至河津明日谷泉子自萬泉至又明日柝自解州
猗氏至又明日內濱子自運城至是日雨甚諸公曰如來日霽天既佳
期矣來日果霽於是道過辛封謁卜子夏祠召其世嫡諸運學教授而
改其名紹云北至清澗風大作從者曰俗傳食豕肉詣禹廟必風予未
諾然以懽寒入福聖寺加衣風滋甚衝風往神前村至山麓乃緣棧道
步屨而升既謁禹像風益焚輪起撼松柏騰沙礫上翫天日下掩河汾
若蛟鳴虎嘯若禹役使羣怪持雷斧秉神斤以闢龍門時也然實齋席
設無豕肉既升殿從者置携尊神几內濱子曰禹惡旨酒可避之谷泉
子笑曰禹所惡酒者旨也此酒恐不足以當禹惡酒行移時食且舉風
息食有饅頭飮其餉者豕又不風不知俗傳者何也土人曰此地日有
潮風蓋大河流兩山中嵐氣薄觸空洞卽颼颼無所於散此或其真云
食既游觀四壁金碧丹青十三彫謝蓋自六籍子史言禹事者無不欄
絢織且筆精意遠非時工可到殿記在元貞年間壁圖必當其時關中

人稱岐山周公廟畫殆不過是也既乃北謁後寢見塗山氏像止二嬪
侍側而冠裳撲簪猶可想見古風出廟西南乃捫蘿緣磴以上望河樓
卽谷泉子所改吞吐雲雷樓也樓在龍門左闌之上蓋梁山中斷而東
峙者也其前懸臨中流上作石室旋柱其外以爲轉廊室塑十閻羅像
俗言至此絕險與死爲鄰也樓外俯黃流凌白雲孤山直對而雷首中
條渺渺冥冥乍見乍沒皆入望眸蹴磴而下會二公至流丹亭亭北倚
石崖其南半懸中流栢柱斜度其下上有板棚鑿板如井口以汲流卽
勺水於滄海也亭扁則白巖喬公小篆下亭就實齋子於河壩壩西者
河其東皆怪石層崖聳峯崎嶇不可以步而內濱子飄齋如飛予力追
不及至壩則西山東轉北遮河流不見來處佇灘環壘四面皆山中如
院落其前則兩山拱峙自窟穴而出故曰龍門云爰有煤丹南自蒲津
絡繹而來掉歌漁唱不彈圖此其爲禹穴乎或曰龍門之外河洲之上
青草萋萋黃沙瑩視河之高不過咫尺若遇秋水泛溢雖百里之漲千
尋之濤不能侵一坏焉是則禹墳者也內濱子曰禹古今之大智而乃

坐身於此乎谷泉子曰會稽亦有禹穴云其在河之壩也方欲卽舟北
行以求所謂懸流三級浪者或曰在金門五七十里或曰在吉州百餘
里然不能往徘徊望攬僕南返蓋天下奇觀亦不欲人盡觀而風雨
幻忽雲雷時出亦此山之神粧點修飭聳來者之觀乎然斯游也不可
謂不索其隱而探其奇矣

西陽觀底柱記底柱在平陸縣東五十里大河自蒲津西來至是微
折而南是柱正當轉曲之間在三門山之陽紫金駱駝二峯之西其形
如柱植立中河今年內濱初公谷泉儲公約往觀之乃七月三日至平
陸同劉虞州綠河北岸崎嶇而東至其下登拜禹廟出臨先門踏禾黍
中遙遙南望彷彿窺其形狀但爲雙樹所蔽翳爾旣坐三公問底柱何
在群指而未得予曰西岸雙樹蔽翳而突兀祠前者是也乃自先門之
磴而下東緣河許至於懸崖去河咫尺倚崖而立南望斯柱形狀峭拔
與河中諸峯不同時暴雨新落大河泛漲是柱頗偏西岸予又疑曰往
何以謂之柱在中流邪虞州子曰河至秋闌冬後則東流倒于西岸而

是柱正當中爾諸公更欲前進求至其所而路益隘阨內濱于乃命繪人扶二吏往直至紫金峯東與柱相對而東岸山砦有古刻底柱二字及唐宋元人銘詩繪人皆勝來以觀遂開尊河澣之上內濱子浩然嘆曰斯河也自崑崙積石而來北過龍門東至底柱納水不啻萬流過山不啻千重雖崇嶺峻巘俱避左右無一能當之者獨此柱高不及數尋圍不及百丈乃巍然中流上撐昊天天下係厚地污濁不染波盪不去亘萬古而不磨乃人之一心本與乾坤相通或爲巧言所入或爲正議所拂遂移其正理變其常性乃不若此柱何邪

明倫彙編
家範典
孝親門
初七日啓行過太原城西以太原人國子生宋灝善篆而刻石遂與偕行西南行四十五里至于周唐叔虞始封之地虞有祠於太原縣之西南是爲晉祠下與謁焉祠之右有晉源神廟其像爲聖母殿前皆蟠飾雕金龍千柱宋額曰惠遠祠竝東臨于泉上泉自懸甃山而出此結二穴以泄穴廣二尺許因甃石池之溢泛爲溪北折而東瀾漫盈決渠穿澮引條經井絡用溉田疇方四十里晉陽之民稻梁

而食者皆饗其利號爲膏腴故歲孟秋持牲酒報賽源神於祠下者纒
屬于道是時農事方興初苗被野清流數派環繞于綠畦之外復有垂
楊掛絲晴花吐蕊掩映川源殊有江鄉之景通渠間卽智伯用以水晉
陽處凡有三派同入于汾河祠內有唐太宗御製碑碑後唐宋石刻左
右列傍有千年栢桑皮黛幹蒼蒼蓋于祠上爲祠增色幽鳥往來鳴于
樹間予與宋生談于柳陰之下佳景逸發余爲詩俾宋生篆刻于祠內
之石

明喬宇游汾陽祠記在榮河東北十里處告 新天子卽位于商湯王

祠畢才來二公進曰汾陰古祠去此不遠盍往觀之可以紓從者夙夜
之勞二十六日遂由縣西北行十里而至頽然荒祠倚于隹傍啓括轉
扉且前後杲杲白日照于中堂鳥巢于梁蒼侵于堂登謁后皇翠冠翟
裳於是循祠之北求漢武之明壇登軒轅之郊臺探巫錦之鼎區皆茫
茫杳杳不可辨矣去祠三百步許是爲汾河重瀛駛濤自河津而來河
之濱見臥有崇碑埋有穹龜去流惟跬步拂而觀之乃宋真宗西封文

也相與惻感遂鳩隸人培土而深貫木而旋系繩而引使依于祠所庶
幾不忘二公曰元鼎之時此地乃漢天子墾拜之所必嚴觀辟路雖常
時善游之士恐不可到今也蕩然丘墟曠然步趨况有龍門吐雲中條
獻奇不亦可樂也哉遂舉酒于臺上酒酣在祠西求大舸浮河而南中
流覽景俯仰今古翕然興發相與咏秋風之辭余又爲之歌曰帝昔來
兮壇下駐龍輿兮輝煌帝一去兮不返壇有栢兮蒼蒼悲千秋兮萬歲
汾之水兮湯湯歌罷不覺抵于崖上

明喬宇游鼓塹泉記自太原西南其泉溉田最多利民久者莫若晉祠
之泉自平陽西南其泉溉田最多利民久者莫若龍祠之泉自絳州以
北其泉溉田最多利民久者莫若鼓塹之泉其泉發源于九原山之西
鼓塹者或曰其北突有二山高圓如鼓則泉以形似而名志曰泉上有
塹如覆釜形履之聲如鼓則泉以聲似而名泉有清濁二穴清在北濁
在南北穴爲石口尺五許自匯而爲池幅員一丈其深稱是中有小魚
喁喁往來沙石間池溢而南折而東流南穴爲土口尺許亦匯池溢而

北折而東合于清流泉之西則隆然高原其南北皆平疇低野亦資泉而溉幽村明墟垂楊灌木帶接陂塘間其東則經連緯通溉田至於絳州亦五十里而南並入于汾穴上二山在西者昔人樓其上敞然三楹壁間有唐宋石刻樊宗師司馬君實者皆在焉山之南麓有蓮池時花未開俯而望焉清芳可掇復覽遠畦近塍碧稻千頃不覺興酣因賦詩泉上而歸

明喬宇汾源記自王壯驛西行五十里道瓶形關飲孤山村下村以小孤山而名卽山海經所載秦戲之山滹沱之水出焉者村之西是有三泉鼎開相去僅五十步皆幅員尺許瀟湧正出浮清泄瀾皎然不汚泡沸如爭迴盤如合淪漾如織溪闢而流其勢不返混繹而出其來不竭予下輿臨泉嘆曰玉之膏乎坤之液乎機之駸駸乎道之洋洋乎可以浣我之塵纓乎因歷勺飲之遂覺肺腑泠泠神爽氣馥邈然面五臺而歌循許周覽容容而戀潏潏而隨停玄泓目光沙以縈幽石以映其間爲渚爲沚爲坻爲澗者皆窮得其端倪注爲幽溪沛然西折傍無

荏苒旄旌之擾中無舟楫沿河之橈故得保其明潔趨繁經代達于平
山會于常山爲潢潦之流而歸于海泉之最顯于晉者以此低徊之願
俄有鮮雲駕鸞冉冉自北嶽而來赴於溪上水石奇麗照瑩心目不可
名狀於是飛蓋而前悵與泉別則駭風驟雨沙空平陸卒然而至若天
待予飲三泉而然者雨中行抵沙澗驛天野已暝遂留宿焉遠三泉所
已三十里矣

明喬宇

姑射山記

孟夏十八日早發堯廟才來二君曰姑射之山莊

周所謂有神人居之者其下有龍祠亦勝可往觀焉按志云三磴山在
襄陵縣西南一十五里其山九十餘里其形三磴其北有龍關峪內有
龍澍神祠姑射自西北蜿蜒而來平其支石孔其陽三磴其鉤帶故曰
姑射耳飛駕至祠下祠面東魏宮謚興塗丹飾聖其像冕旒而處者曰
龍王有泉自山下東流經祠南辟建水亭其規制壇爽宏麗水氣林光
明風艷日皆納而有二君觴予于亭上臨流賦詩復移席山半卽發源
所泉抱山麓而出紛紛的的如星拱然予命僕夫穴蓋一石聚石而計

有百十餘穴流珠噴玉結然清瑩併歸有渠溉襄陵西北之田四十餘里而東入于汾河予與二君依山盤踞而坐東望遙川廣原陀陀遂遂林樹如纂綉綴錦貞脆相雜徘徊談笑薄暮以歸宿于襄陵之察院泉流潺潺聲于榻下且木竹之勝宛如江南煎茗賦詩一夜幾不能寢

題如雲山圖

在茲年之末歲兮端旬首而重陰風颭回以曲至兮

雨旋轉而纖襟蟋蟀鳴乎東房兮鵲鳩號乎西林時將暮而無僑兮處淒愴而感心振沙衣而出門兮纓委絕而靡尋步徙倚以遙思兮喟歎息而微吟將修飭而欲往兮衆齟齬而笑人靜寂寞而獨立兮亮孤植而靡因懷分索之情一兮穢群僞之射真信可實而弗離兮寧高舉而自儼聊仰首以廣瀕兮瞻首陽之岡岑樹藁茂以傾倚兮紛蕭爽而揚音下崎嶇而無薄兮上洞徹而無依鳳翔過而不集兮鳴皋群而並棲颺遙逝而遠去兮二老窮而來歸是因軋而處斯兮焉暇豫而敢訓燕巢屏而不存兮故甘死而採薇彼背殷而從昌兮投危敗而弗還此進而不合兮又何稱乎仁義肆壽夭而弗豫兮競毀譽以爲度察前載之

是云兮何美論之足慕荷道求之在細兮焉予誕而多辭且清虛以守
神兮豈慷慨而言之

陝西缺太白山記

山西缺太行山記